



Wantok



Namba 2048 Novemba 28 - Decemba 4, 2013 - 28 pes Niuspepa Bilong Yumi Ol PNG Stret!

K1 tasol



pepsi pipol



www.facebook.com /pepsipng

Like

na painim aut moa long ol narapela promosens blong mipla bihain taim.

SMART PHONE, SMART GIFT

Kisim displa Alcatel Pixi lo K129 tasol na kisim 200MB FRI data.
KRISMAS TAIM BAI YU KEN TINGIM.

200MB FRI DATA



ALCATEL PIXI K129

3G DIGICELPNG.COM

Digicel

Terms na kondisen istap.

Palamen i oraitim 2014 baset

K15 bilien baset bilong 2014 na K386 milien 2013 saplimenteri baset aninit long lo...

Moa stori long pes 2

Stanley Nondol i raitim

GAVMAN i yusim bikpela namba pawa bilong en na givim tok orait long K15 bilien baset bilong 2014 na K386 milien 2013 saplimenteri baset aninit long lo. Oposisen i bin givim strongpela bekim olsem baset i no stret na gavman i mekim planti dinau, na bikpela mani i wok long go aut long kantri.

Palamen long Tunde nait i givim tokorait long 2014 mani plen bai go het long mekim wok divelopmen na bringim ol sevis i go long pipel.

Oposisen lida Belden Namah i tok strong olsem O'Neill gavman i mekim baset long dinau na kisim dinau bilong kantri go antap moa long K10 bilien.

Em i tok laip bilong 7 milien pipel i hat tru. Em i tokaut long sampela asua bilong gavman taim em i givim bekim toktok bilong baset.

Mista Namah i tok K386 milien bilong 2013 saplamentri baset bilong 2015 Pasifik Gems i go antap long dinau bikos gavman i givim kontrak long Saina kampani long wokim Gems vilis we Tenda Bot i no tok orait long en.

Mista Namah i tok bikpela mani bilong baset i save lus long nem bilong rot kontrak long korap pasin. Na bikpela mani go aut long ol kontrakta bilong Esia.



Tresari Minista Don Polye, Praim Minista Peter O'Neill na Gren Sif Sir Michael Somare i selebretim 2014 baset bilong kantri wantaim ol arapela memba bilong palamen long tude nait long Stet Funksen Rum long palamen haus. *Poto: Nicky Bernard*

Namah bekim 2014 baset - P2

Senisim pepa mani bipo long Desemba 31 - P3

Ol kopi ekspota i winim ol groa - P19

ABC Nius... Meri Korea dai long Australia - P12

Pini na BSP wok bung wantaim - P25



OX & PALM BRAND

True Buli Bif Bilong PNG.

CORNED BEEF

NET WEIGHT 340g

Nama bekim Baset



Polis Ripot

NCD: Wampela meri i bin grisim wampela 13 yia old gel na kisim em i go na givim long wampela man long wokim pasin no gut long em. Dispela liklik gel em bilong ples Samberigi, Erave, Sauten Hailans provins. Man i bin mekim pasin nogut long dispela liklik gel i hait nau. Dispela trabel i bin kamap long mun Novemba 20 namel long 9 klok na 10 klok moning long 5 mail. Ol i putim ripot long polis stesin. Polis i mekim wok yet long painimaut long trabel.

NCD: Foapela raskol igo insait long wampela stua long Godons na kisim K15, 000. Dispelai bin kamap long Sande Novemba 24, long 4: 30 apinun. Ol raskol i karim sotgan na pistel i go insait long Gordons Wholesale stua na tokim olgeta kastoma long slip go daun long simen. Ol i laik go insait long opis tasol i no inap. Na ol i kisim mani stap long til na ranawe i go. Ol i kalap long wampela kar i weitim ol. Ol i putim ripot long polis tasol polis i no holim pasim wampela yet. Wok painimaut i go yet.

NCD:Wampela yangpela man long Sentral provins ol raskol i katim em long baksait long busnaip. Ol lain bilong em i karim i go long haus sik tasol em dai long rot.

Polis ripot i tok, man husat i kam putim ripot long polis stesin i tok Steven Gani, 31 yia old bilong ples Dunbantebo, Sentral provins i go aut long nait klap na dring wantaim ol pren bilong em long Boroko.

Long 2 klok moning, ol i lusim klap na go long haus bilong em long ples Gabi. Tripela man holim busnaip, sanap long rot na katim em na ol i ranawe. Ol i putim ripot long polis stesin. Nogat wampela polis i holim pasim ol. Wok painiaut i go het yet.

Galp: Ol foapela man krismas bilong ol namel long 16 na 20 yia i kilim dai narapela man long ples Moeave long Galp provins.

Polis ripot i tok ol dispela man i kilim Simon Sapea. Dispela man i bin stap wampela mun long laip sapot long haus sik na em dai. Ripot i tok ol polis ii holim foapela man na ol i stap long kalabus na wetim kot bilong ol.

Milen be: Sampela yangpela man i dring hombru long ples Naibai, long Sentral provins na wampela i dai. Polis ripot i tok ol yet i kros na pait i kirap. Wampela bilong ol i kirap na kisim ain wantaim tamiok i nogat gutpela han na paitim planti taim long bodi bilong narapela man.

Dispela man i pundaun na ol i kisim i go long haus sik tasol em i dai long haus sik. Polis i no holim pasim wampela yet tasol wok painimaut i go het yet.

daun bilong dispela yia, ol memba i bin tok orait long sampela nupela lo bilong ol pablik sevan. Bai ol tok orait long en long nupela yia taim Palamen sindaun gen long Februeri 2014.

Taim spika bilong Palamen i pasim bikpela haus, ol oposisen i lusim sia bilong ol na hariap tru ol i go autsait long semba.

Ol memba nau malolo na go bek long distrik na provins bilong long amamasim krismas na nupela yia wantaim ol pipel bilong ol. Palamen bai bung long nupela yia long Tunde 11 Februeri 2014.

PALAMEN haus i bin nois liklik taim Oposisen Lida Belden Nama i bekim baset bilong 2014 we Treseri Minista Don Polyei bin tokaut long en las wik.

Oposisen lida Belden Nama i bin givim sampela tingting bilong em long baset ol katim long sampela samting na ol i no tingting tams long sait bilong Egrikalsa.

Treseri Minista i tokaut long baset na tok ol i katim gut tru dispela baset. Em i tokim oposisen long lukluk gut tru long en pastaim long tok giaman o sutim tok nabaut.

Long pinisim palamen sin-



Oposisen lida, Belden Namah



K71.4 MILIEN KONTRAK: Long makim Stet, Gavana Jenerel na Gren Sif, Sir Michael Ogio i sainim moa long K71 milien kontrak bilong saplaim ol marasin na ol samting bilong helpim ol dokta na nes long wok bilong ol, i go long ol haus sik, helt senta na etpos long PNG. Borneo Pacific Pty Limitet em kampani i winim kontrak. Nesenel gavman i givim K71,478,316.70 long dispela kontrak. Helt Seketeri, Pascoe Kase i makim Helt Dipatmen i sainim kontrak taim tupela bikman, Martin POH na Jimmy Poh i makim Borneo Pacific na sainim kontrak long las wik Trinde long Gavman Haus. **Poto: GG Midia**

Palameni i oraitim 2014 baset

I kam long pes 1

Mista Namah i tok dispela baset i no inap sapotim ol pipel. Em i tok gavman i no gat plen long wok egrikalsa na i no putim mani long baset.

Mista Namah i tok gavman tu i no lukluk long sapotim ol liklik bisnis bilong ol pipel long dispela baset. Em i tok prais bilong kaikai na ol samting go antap tasol gavman tu i no tok klia long rot dispela baset bai helpim ol manmeri i kisim taim.

Mista Namah i tok gavman i kisim 63.4 ekuiti mani bilong OTML pinis na nau laik kisim 7.5 pesen bilong LNG papagraun. Em i askim K500 milien bilong LNG gavman i putim long wanem hap.

Mista Namah i go het na tok dispela basetem piksa nating. Em tok ol plen bilong helt, edukesen, infrastraksa,

lo na oda na sampela i wankain long 2013 baset. Em tok dispela plen i lukim bikpela mani i lus nating long nem bilong wok kontrak.

Praim Minista Peter O'Neill i tok Mista Namah i mekim planti toktok we i no tru. Em i tok gavman bilong em i mekim planti bikpela projek long kantri long helpim ol pipel.

Mista O'Neill, Tresari Minista Don Polye na Fainens Minista James Marape i tok Belden Namah i mekim planti toktok we i no tru na dispela i ken bagarapim gutpela nem bilong kantri.

Mista Polye i tok baset i bihainim rot bilong en na gavman i no mekim nating. Em i tok dispela em namba wan mani plen bilong kantri.

Mista O'Neill i tok gavman

i no sainim wampela agrimen pepa wantaim Saina Exim Benk taim Mista Namah i tok gavman i kisim dinau long dispela benk long mekim baset.

Mista O'Neill i tok gavman i no kisim dinau long autsait kantri long mekim baset.

Praim Minista i tok kantri i gat inap mani beis long kisim insait long kantri yet.

Em i tok ol tokotk bilong Oposisen lida olsem gavman i kisim dinau long autsait i no tru.

Ol gavman minista, na ol arapela memba i sapotim 2014 baset na i mekim gutpela toktok olsem dispela em i namba wan baset.

Spika bilong Palamen Theo Zurenuoc i surukim sindaun bilong palamen i go long 11 Februeri 2014.

Teksim Wari, Tingting, Painim Pren, Wantok o Pas bilong yu I kam nau..
Digicel namba: 7235 6149

Dia Wantok Niuspepa, long taim main i kamap mi save long wampela mani bilong graun inap nau. Olsem na mi apil long yu-pela opisa. Olsem wanem bai ol i stretim dispela hevi.

Bata Bil – Concern, Mangi Sinax.

Dia Wantok Niuspepa, mi Junior na kris mas bilong mi 32. Mi bilong Madang yet, lik lik ples Fulumu long Transgogol eria. Mi painim wampela gutpela yangpela meri wankain krismas olsem mi long mekim pren wantaim na maritim. Husat gat laik, plis yu ringim mi long dispela namba 72608235. Tenk yu

Dia Wantok Niuspepa, mi painim wan pela poromeri bilong mi. Nem bilong em Matha Laika na em i stap long sampela hap long Lae. Plis husat i save long em givim dispela namba bilong mi long em long ringim mi. Tenk yu

Damien. K

Dia Wantok Niuspepa, mi gat wampela askim. Dispela askim i go long ol lain Papua. Mi laik tok, olsem wanem na ol Papua save kisim bikpela brait prais long pikinini meri bilong ol? Mi laik save bilong wanem as stret ol i save kisim bikpela brait prais.

Tenk yu – Wantok

Dia Wantok Niuspepa, krismas bilong mi em 21 na wampela eks Maun Diamond Adventis Sekenderi skul. Mi bilong Miniamia Morobe Provins na mi laikim olsem; na tude mi teksim yupela long putim namba bilong mi long niuspepa bilong yu-pela. Yu ken ringim mi long dispela namba 7237 0063. Tenk yu ol *Wantok Nius* helpim bilong yupela.

Mangi Miniamia – Morobe Provins

Wantok street agents!
Salim moa pepa na win olgeta wik!!

Sapos yu salim,

- 50 - 80 kopi - 1x Wantok T-slot
- 80 - 100 kopis - 1x Wantok Kep
- 101 - 150 - Wantok Ambrela
- 151 - 200 - Wantok Polo Slot
- 201 plus - Wantok Polo Slot na Cap

Dispela promosi bai stap long Dikaba i go long Desember 2013 tasol.

ASFPNG i toktok long haus bilong ol memba

Ol bikpela supaenuesen fan bilong PNG i redi tasol long wok wantaim gavman long painim rot bilong stretim wari bilong ol memba bilong en long painim haus. Tasol ol i tok tu olsem wanem rot ol i painim long wok bung wantaim gavman i no mas bagarapim wok bilong ol Trasti husat i lukautim ritaimen mani bilong ol memba.

Asosiesen bilong Supaenuesen Fan bilong Papua Niugini (ASFPNG) i bin putium wanpela pablik tok save long ol niuspepa bihain long ol i bungim Gavana Powes Parkop long toktok long dispela samting las wik.

Ol mausman bilong Nasfund, Nambwan Super, Comrade Trustee na Aon Master Trust i bungim Mista Parkop long Fonde 21 Novemba na toktok long ol askim em i bin tromoi long Palamen tupela wik i go pinis. Mista Parkop i bin tokim Palamen olsem ol supa fan i wok long investim mani bilong ol memba long ol hotel long ovasis kantri na i no tingting long helpim ol memba bilong ol long PNG long painim haus.

Insait long dispela pablik tok save bilong ol, ASFPNG i tokaut long sevenpela bikpela samting.

Ol i tok tingting bilong helpim ol memba i baim o wokim haus long mak bilong mani ol yet inap baim, i wanpela samting ol bikpela fan i laik mekim.

Ol i tok klia olsem Superannuation (General Provisions) Act 2000 i givim tok orait pinis long ol memba i ken yusim sampela seavings bilong ol long baim haus, na mekim metenens wok long haus.

Ol i tok NASFUND na Nambawan Super i bin kirapim ol hom onasip skim bilong ol memba long Gaden Hills, 8 Mail na 9 Mail hausing estet long Mosbi.

Ol i tok dispela skim i no bin kamap gut tumas bikos prais bilong baim graun na ol haus i antap tumas we ol memba i no inap long bekim dinau bilong haus. Ol i tok prais bilong graun na ol wok bilong stretim rot, baret, surej, wara paip na pawa em ol memba i mas baim olsem na i apim prais bilong haus i go antap tumas.

Ol i tok ating sapos Gavman i givim subsidi bilong stretim ol dispela samting bai prais bilong haus tu i ken kam daun.

Ol i tok tu olsem ol i mas tingim tu ol arapela memba husat i stap long ol ples autsait long Mosbi.

ASFPNG i tok ol i amamas long dispela kibung bilong ol wantaim Mista Parkop na bai ol i toktok yet wantaim gavman long painim rot bilong helpim ol memba bilong Fan i painim haus inap long poket bilong ol.

Senisim pepa mani bipo long Desemba 31

Ol pipel husat i holim yet ol pepa mani i mas save olsem Benk bilong Papua Niugini (BPNG) i no luksave moa long ol dispela pepa mani na yu no inap long baim wanpela samting long en.

Tasol Benk bilong Papua Niugini i tokaut nau olsem ol i givim sans long ol pablik i karim ol pepa K2, K5, K10, K20, K50 na K100 i go senisim long benk bipo long Desemba 31. Gavana bilong BPNG, Loi Bakanai i bin putim pablik tok save long ol niuspepa long ol manmeri i lukim.

Benk bilong Papua Niugini i bin putimaut ol plastik mani na stapim ol dispela pepa mani long Jun 30 long dispela yia. Tasol planti pipel i no save na ol i holim yet ol pepa mani.

Long mun Septemba, sampela man i bin soim beg mani ol i bin haitim long graun bipo yet we i gat ol pepa K50 na K20 i stap long en. Ol i laik yusim ol dispela pepa mani long baim samting tasol ol i kirap nogut long harim olsem benk i no luksave moa long pepa mani. Stori bilong ol i bin kamap long niuspepa. Olsem na Benk bilong PNG i tok save nau olsem ol i skruim taim bilong kisim bek olgeta pepa mani i go long Desemba 31, 2013.

Benk i tok save olsem ol pipel i mas kisim ol dispela pepa mani na K2 koin i go stret long Benk bilong PNG long Mosbi we ol i ken senisim na kisim nupela plastik mani. Ol pablik i ken salim i go long BPNG long rejista pas long pos opis.



SAINIM K40 MILIEN KONTRAK: EDUKESEN Seketeri, Dokta Michael Tapo i sainim K40 milien kontrak long distributim o tilim ol besik skul metiriel long olgeta skul long kantri. Treid Pacific (PNG) Limitet i winim dispela bikpela K40 milien kontrak. Kontrak mani i kam long nesanel gavman. Poto i soim Dokta Tapo na Wilson David na Ken Raga i makim Treid Print, i sainim kontrak long ai bilong Gavasna Jenerel na Gren Sif, Sir Michael Ogio, long Gavman Haus las wik Fonde. **Poto: GG Midia**

Kids Savings Account

A great way to help your kids save!

- ✓ Tiered interest plan
- ✓ Free deposits
- ✓ No account maintenance fee
- ✓ Withdrawal restrictions to help you reach your goals

OPEN A KIDS SAVINGS ACCOUNT TODAY AND RECEIVE A FREE BSP PIGGY BANK

*WHILE STOCK LAST!

FREE PIG

320 1212 / 7030 1212 - 24/7
 servicebsp@bsp.com.pg
 www.bsp.com.pg



Wantok 2048-Lo na oda kisim K1.3 bilien

Kolopu Waima i raitim

Lo na oda i kisim K1.3 bilien. Polis bai kisim K69 milien. Ol bai kisim maniyetlongfundimmoden-sasesen program bilong ol.

Plan bilong gavman em long kamapim moa polis insait long kantri long strongim lo na oda.

Na em gavman i putim K6.5milien long kisim 480 nupela ol polis opisa neks yia. Narapela K62.5 milien bilong stretim Polis koles na ol narapela polis pesilities.

Ol polis tu bai go het yet long kisim K15 milien long 2014 long wokim polis patrol stesin long LNG Site.

Dipatmen ovDifens bai kisim mani yet. Bai K30 milien i go long wok bilong stretimDifensfos na K25 milien bilong baim wanpela graun long movim Murray Barracks na Lancron Naval Base.

Difensfos bai go het yet long kisim 400 yunifompersenels we em bai kostim K3 milien long 2104.

Koreksenelsevis long 2014 bai kisim ol nupela opisa long sensim ol lapunopisa long wok pos. Ol bai kisim 150 nupela opisa long wan wan yia na dispela bai kostim gavman K1.9 milien.

Ol vilis kot opisal bai kisim K38.8 milien long wan wan yia, stat long neks yia budget.



Charles Abel, Don Polye na James Marape i mekim tos long 2014 baset.

Provincial Treasury				
Summary of Agency Expenditure by Program Structure (in thousands of Kina)				
Activity		Actuals	Appropriation	
Code	Description	2012	2013	2014
Main Program	Public Finance Management	36,239.1	36,495.2	40,059.1
Program	Provincial Treasury			1,263.3
12129	Jiwaka Provincial Treasury			584.8
12130	Hela Provincial Treasury			678.5
Program	Provincial Treasury	36,239.1	36,495.2	38,795.8
10271	Central	1,446.6	583.8	791.9
10272	Gulf	939.0	513.5	705.3
10273	Western	1,324.4	574.8	697.2
10274	Milne Bay	1,635.1	582.3	712.5
10275	Oro	1,067.6	561.9	709.8
10276	Morobe	2,416.3	727.7	710.6
10277	Madang	1,832.7	567.7	674.7
10278	East Sepik	1,856.5	656.1	693.3
10279	Sandaun	1,561.6	584.0	704.4
10280	Eastern Highlands	2,490.2	569.0	703.5
10281	Southern Highlands	2,661.6	588.5	761.5
10282	Western Highlands	1,839.5	578.3	660.2
10283	Enga	1,899.5	570.0	665.3
10284	Simbu	1,865.1	586.0	664.9
10285	Manus	688.1	591.7	582.7
10286	New Ireland	1,159.5	588.2	720.7
10287	West New Britain	1,050.0	577.1	663.5
10288	East New Britain	1,292.9	563.5	672.5
10289	North Solomons	1,023.5	570.1	689.0
Sub Total Provincial Treasuries		30,049.7	11,134.2	13,183.5

Total bilong Program bilong Provins antap long lain 4 em i karamapim tu ol moni i go long ol distrik treseri. Mipela bai putim bilong ol distrik long narapela pepa bilong mipela bihain.

Palamen i redi long senisim planti lo

Stanley Nondol i raitim

PLANTI senis bai kamap long lo bilong kantri taim Palamen i bung gen long Februeri 2014. Dispela em bai namab wan taim long wanpela gavman i sensim na kamapim planti nupela lo.

Insait long wanpela ya, O'Neill gavman i mekim nupela lo na kamapim senis long konstitusen i sanap olsem 42.

Palamen bai stretim lo bilong sitisen ekt, ICAC bill long pait egensim korapsen, Distrik Atoriti ekt, lo bilong makim ol hetman bilong publik seven.

Olgeta bil na amenmen o senis i kisim bikpela sapot bilong palamen.

Olgeta i go long namba tu riding na votim i kamap pinis. Ol memba bilong gavman na oposisen wantaim i votim bihain long namba tu riding na vot i sanap olsem 95-0.

Praim Minista Peter O' Neill i tok gavman i wok hat long daunim korapsen na dispela ICAC bil bai stat wok neks yia.

Praim Minista O'Neill i tok ICAC bai kisim ples bilong Task Fos Swip em NEC i putim

long pait agensim korapsen.

Mista O'Neill i tok ICAC bai stap independen long wok bilong en na bai i gat bikpela pawa long mekim wok painim na sasim ol lain i asua.

Palamen tu bai givim tok orait long PNG manmeri husat i laik kisim tupela sistensip.

Foren Afes Minista Rimbink Pati i tok kantri i gro na planti PNG i go kam planti taim long ovasis na planti pipel stap longpela taim long outsait i hat long kisim sitisen bikos lo i no tok orait.

Mista Pata i tok lo bai senis long opim rot na mekim isi long ol outsait lain i laik kisim sitisen bilong PNG i ken kisim.

Palamen tu bai kamapim lo bilong mekim isi long makim bilong ol dipatmen het olsem menseing dairekta na sekeri.

Pablik Sevis Minista Puka Temu i tok rot bilong makim publik sevan i save kisim longpela taim. Em i tok taim ol i hambak rot bilong rausim tu i kisim save longpela.

Mista Temu i tok dispela bai mekim isi long gavman i ken makim gutpela saveman long makim wokman long publik sevan.

Ol dispela tingting bilong senisim na kmapim lo bai go long namba tri na fainel riding na vot long namab wan sindaun bilong palamen long 2014.

Impot i daunim lokal bisnis

Stanley Nondol i raitim

OL lokel prodak i no inap long resis wantaim ol impots o ol samting I kam long ovasis kantri bikos prais bilong impots i daunblo na dispela i ken daunim ol lokel bisnis.

Tresari Minista Don Polye i tok PNG i gat fri maket ikonimi we i opim rot bilong ol prodak bilong ovasis i resis wantaim lokel prodak baim long liklik prais.

Mista Polye i mekim dispela toktok bihain long memba bilong Usino Bundi Anthon Yagama i tok ol ekspot samting olsem kakaruk na suga i kam insait long kantri na daunim lokel suga na poltri bisnis.

Mista Yagama i askim sapos gavman i gat plen long banisim ol loken bisnis. Em i tok gavman i daunim takis long impot suga i kam daunblo na planti suga bilong ovasis i kam pulap long maket.

Mista Polye i tok gavman i daunim tariff o takis long opim maket long pulim moa ekspot kam insat. Mista Polye i tok dispela em long pulim moa mani long outsait i kam in long kantri na iken apim

strong bilong kina.

Mista Polye i tok PNG i memba bilong APCE, Wol Tred Ogenaisesen (WTO) na sampela moa. Aninit long dispela open na tred na fri ikonimi polisis stap long promotim invesmen na bisnis.

Mista Polye i tok i tru ol lokel bisnis i lusim kastoma bikos ol ekspot i no gat takis o liklik takis na taim ol i kisim ol prodak i kam ol i salim long liklik prais.

Mista Polye i tok kos bilong mekim bisnis na prodaksen long kantri antap tumas na gavman bai lukluk long dispela hevi.

Mista Polye tu i tok olsem Takis Revyu Komiti i nau wok long takis rivyu i stap na em bai tokaut klostu taim .

Oposisen Lida Belden Namah i tok O'Neill gavman long 2014 baset i no gat plan long banisim ol liklik bisnis long kantri.

Mista Namah i tok gavman tu i no gat plen long wok egrikalsa long 2013 na 2014 mani plen. Em tok prodaksen bilong egrikalsa i pindaun na kantri i no mekim planti winmani.

Ol skul bai luksave long Wol AIDS De

Nesanel Kodineta bilong HIV/Jenda Yunit bilong Dipatmen bilong Edukesen long Waigani i tok save long olgeta skul long kantri i mas luksave long de bilong Wol HIV/AIDS long dispela wik.

Olgeta skul na ol instituisen i stap aninit long Nesanel Edukesen Sistem (NES) i mas luksave long Wol AIDS De long Fraide Novemba 29. Wol AIDS De bai kamap long Sande 1 Desemba tasol ol skul bai holim ol selebresen long Fraide. Bikpela toktok ol skul na ol ogenaisesen bai yusim long dispela de

em, "Stopim Jenda Vailens na daunim HIV". Ol bai luksave long dispela de tu olsem em i Ret na Wait Ribon De. Ret Ribon i makim HIV na Wait Ribon i makim Jenda.

Dipatmen bilong Edukesen i strongim olgeta skul na instituisen long mekim ol samting i gat mining long dispela de. Olgeta tisa, sumatin na komyuniti i mas kisim tok save long birua i save kamap long sik HIV na AIDS na Jenda Vailens. Olgeta lain i mas mekim samting long stopim dispela ol hevi long komyuniti.



Ol pikinini i danis wantaim DOTSY long de bilong ol pikinini long Ela Bis wantaim bikpela toktok bilong lukautim gut ol pikinini. foto: Wol Visen

Kalinoe i stap Seketeri bilong Jastis



(L-R) Dokta Lawrence Kalinoe i sekan wantaim Minista bilong Jastis na Atoni Jeneral, Kerenga Kua bihain long em i tokaut long wok bilong em.

Minista bilong Jastis na Atoni Jeneral, Kerenga Kua i tokaut olsem Dokta Lawrence Kalinoe bai i holim yet wok bilong Seketeri bilong Jastis Dipatmen.

Minista Kua i bin mekim dispela tok save las wik long wanpela nius konprens olsem olgeta lain dipatmen het na seksen het husat i wok wantaim Seketeri bilong Jastis i amamas long wok bilong Mista Kalinoe long las 4 yia em i bin stap long dispela posisen.

“Dokta Kalinoe i gat bikipela save na i mekim planti gutpela wok na mipela i pilim olsem em i mas stap yet. Mipela askim Pablik Sevis Komisen long ol i no ken tokaut long

pablik long pinis bilong taim bilong em. Minista bilong Pablik Sevis na Komisen na Nesenel Eksekutiv Kaunsil tu i wanbel,” Mista Kua i tok.

“Mi wok wantaim Doka Kalinoe aninit long wan yia tasol, na mi lukim wok bilong em i gutpela tru. Ol narapela olupela Atoni Jeneral olsem, Sir Arnold Amet, Dokta Alan Marat, na Ano Pala tu i wanbel long em i ken stap yet long dispela wok long narapela 4-pela yia moa,” Mista Kua i tok.

Mista Kua i tok, ol bai i no inap long putim advetismen long painim nupela man long kisim ples bilong em. Dispela kain pasin i no ausait long lo bilong makim senia pab-

lik sevan long dipatmen. i gat tok i stap olsem, namba wan step bai ol i lukluk long insait na sapos i no gat man inap long kisim ples orait ol i save go ausait na advetais long midia.

“Dispela em i no wantok sistem. Em long save long wok bilong man stret. Mi hop olsem stori bilong Dokta Kalinoe i ken kamap olsem piksa bilong ol narapela sinia pablik sevan tu long bihainim na kamapim wok wantaim save na bilip. Em i gutpela nius long dipatmen, bikos mipela bai i ken go het long ol wok nau i stap long plen bilong mipela,” em i tok.

“Long narapela 4-pela yia, bikipela wok bai i kamap em long Lo

Rifom. Lidasip i mas putim lo rifom i go pas bilong wanem planti lo em i kam long taim bilong koloniel yet na ol i no moa stret long laip bilong nau,” Mista Kua i tok.

“Mi hop olsem gavman bai luksave long dispela na putim mani long helpim Dokta Eric Kwa na Konstitusienel na Lo Rifom Komisen long ol wok i kamap nau long senisim ol lo. Kantri bai nidim planti lain i gat gutpela save bilong raitim ol lo long kam na mekim ol dispela wok,” em i tok.

“Em i tok yumi i no inap long kamapim gutpela gavanens na ikononi bilong nau sapos lo bilong yumi i no senis long bihainim taim bilong nau,” Mista Kua i tok.

Lo bilong kilim man bai wok nau

OL lain husat i wetim taim bilong dai long haus kalabus, ol famili bilong ol, ol midia na pablik i mas redi nau long lukim dispela lo i wok.

Dispela em i tok bilong Atoni Jeneral na Jastis Minista Kerenga Kua las wik.

Em i tok, i gat 7-pela kain pasin bilong brukim lo we mekim save bilong en em long kilim man o meri husat i brukim ol dispela lo. Nau i gat sampela lain i stap long haus kalabus em nem bilong ol i stap pinis long lo i tok ol i mas dai.

Gavman i bin salim wanpela tas fos tim i go long ol kantri husat i save kilim man aninit long lo. Ol i bin go long Texas long USA, Thailan, Malaysia,



Atoni Jeneral na Jastis Minista Kerenga Kua.

Singapo na indonesia. Ol i go long lukim wanem kain pasin

na masin o marasin ol dispela kantri i save yusim long kilim ol trabel man aninit long dispela lo.

Dispela tas fos i wokim ripot pinis na minista i lukluk long em na bihain bai em i putim long kabinet long tok orait long en.

“Gavman i tingting strong long go het kilim man, tasol ol i mekim wok isi isi bikos olgeta samting i mas kamap gut. Mi tokim ol PNG long redim ol yet long lukim dispela samting bai kamap, na taim em i kamap bai ol i no ken kirap nogut,” Mista Kua i tok.

Em i tok olgeta pipel i kisim hevi long lo na oda na i mas mekim samting hariap stopim. “Mipela kisim sampela singaut i kam long ol patna bilong yumi long narapela kantri husat i stap insait long kantri, long tingting bilong ol. Mipela kisim tok bilong ol tasol ol i ken mekim apoinmen na kam lukim mi na bai mi tok isi long ol. Mipela i no laikim ol i go long nius na toktok olsem tupela lain i mekim pinis.

“Ol i brukim lo long taim ol i salensim lo bilong mipela tasol mipela i no inap long kotim ol bikos ol i stap aninit long lo bilong diplomesi. Tasol mipela i ken kisim sampela rot aninit long edministresen long mekim save long ol,” em i tok.

Ol lapun na ol disebel bai kisim pensen

PRAIM Minista, Peter O’Neill i tok gavman bai kamapim Pensin Sevis Program bilong ol lapun na ol disebel o ol lain i gat bagarap long sampela hap bodi, na bai i givim mani long ol i lukautim ol yet.

Em i bin mekim dispela tok long Wewak, Is Sepik Provins, taim em i bin go long sapatim PNC Pati kenidet, Ezekiel Anisi long bai eleksen bilong Ambunti-Drekikir Open Sit las wik.

Mista Anisi i bin win long 2012 Jeneral ileksen tasol ol i bin tokaut olsem em i no inap long kamap memba bilong wanem em i yangpela tumas.

Mista O’Neill i tokaut long taim bilong ileksen relis olsem, gavman bai kamapim Kompalseri Pensin Sevis Program long 2015 bilong helpim ol lapun man na meri husat i winim krismas bilong pinis long wok, na tu ol pipel husat i gat sampela bagarap long bodi (PLWD) na i no inap long lukautim ol yet.

“Em i plen bilong gavman long givim pawa long ol dispela lain pipel na helpim ol long lukau-

tim ol yet,” Mista O’Neill i tok.

Long wankain taim Praim Minista i tok gavman bai kamapim wanpela program bilong ol yangpela manmeri husat i pinis long skul bai i joinim ami.

“Dispela bai helpim ol yangpela pipel bilong yumi long lainim pasin bilong harim tok na stap aninit long lo. Em bai givim ol wok na bai ol i no ken mekim ol pasin bikhet na brukim lo,” em i tok.

Gavman i gat plan long givim moa helpim long ol pablik sevan na kirapim bel bilong ol long wok wantaim gutpela haus.

Em i tok olsem sampela pablik sevan olsem ol polis i stap yet long ol olupela haus ol i wokim bilong long taim bilong Australia gavman na i bagarap olgeta.

“Planti haus long olgeta hap, i no long Ambunti-Drekikir tasol, em ol i bin wokim long 1970 tasol no gat gavman bilong bipo i save traim long stretim o wokim nupela haus gen,” Mista O’Neill i tok.

Kalsa so bai kamap long Sauten Hailans

Siaman bilong Sauten Hailans Provinsal Kalso So, Richard Awesa i tokaut pinis olsem Sauten Hailans Kalsa So bai i kamap long Desemba.

So bai i kamap long de 12 i go long 14 Desemba na bai promotim naispela kalsa bilong Sauten Hailans Provins. Bai i gat tu sampela liklik sait bisnis bilong ol bisnis lain long asples.

Richard Awesa i tok em i amamas tru long dispela so bilong wanem tingting bilong holim kalso so i bin kamap foapela yia i go pinis. Em i laik soim ol hait kalsa olsem bilong Kutubu na Bosavi, we planti taim i no save

kamap long pablik i lukim.

Dispela kalso so bai kamap long Walit So graun insait long Lowa Mendi bikos Momei Oval i gat bikipela bagarap. Gavana bilong Sauten Hailans bipo, Anderson Agiru bai ges spika na Augustine Mano, Menesing Dairekta bilong MRDC em i petron bilong dispela namba wan Sauten Hailans Kalso so.

MRDC i givim pinis K50,000, na Imbongu Edministresen i putim narapela K50,000.

Mista Awesa i singaut i go long ol bisnis long provins na tu long Provinsal Gavman long helpim long kamapim dispela so.



Ol Huli dansa wantaim bilas bilong ol.

Ol meri Yarapos amamasim 50 yia bilong skul

LONG taim wanpela skul i winim 50 krismas, em i bikpela samting na i taim bilong bikpela amamas na selebresen. Long las wik Sarere, ol meri Mosbi husat i bin skul long Our Lady of Mercy Secondary School Yarapos, long Is Sepik, i bin bung long Mary Kwin ov Pasifik haus lotu long Wagani na wokim tenkyu misa na bung kaikai long amamasim 50 yia bilong dispela skul. Long Yarapos yet, ol bikpela selebresen i bin kamap long skul long mun Septemba.

Gavana bilong Is Sepik, Sir Michael Somare na memba bilong Wewak, Jim Simatap i bin kam amamasim dispela bikpela de wantaim ol meri na famili bilong ol. Dispela de i bin bikpela de bilong amamas bikos sampela meri i bin kam long Wewak, Tabubil na Sentral provins long bungim ol olupela wanskul na pren bilong ol. Tupela Mercy sister, Maura O'Shaunessy na Angeline Singiat wantaim prinsipel bilong Yarapos tu i bin kam stap long dispela bung. Namel long ol meri hia em tupela meri husat i

bin namba wan lain studen bilong dispela haikul.

Our Lady of Mercy College, Torembi long Sepik plains, i bin stat long Februeri 1963 wantaim 11-pela meri studen. Dispela skul i stap longwe tru na i gat planti hevi i save kamap. Orait long 1966 skul i muv i go daun long Yarapos autsait long Wewak taun. Insait long 50 yia, planti senis i kamap na tude, dispela liklik haikul i wanpela top sekenderi skul long Is Sepik. Planti ol lidameri bilong PNG tude na ol profesenel wokmeri husat i mekim bikpela wok long developmen bilong kantri, i bin go long dispela skul.

Stori bilong Yarapos sekenderi skul, em i stori bilong ol strongpela meri bilong Australia na Sepik wantaim. Stori bilong Australia i makim ol Katolik sister bilong Religious Sisters of Mercy, husat i bin harim singaut bilong Bisop Leo Arkfeld na ol i kam kirapim namba wan haikul bilong ol meri long bikples Niugini long 1963. Ritim stori bilong Yarapos sekenderi skul long *Wantok* neks wik.



DE BILONG AMAMAS: 50 yia em i bikpela mak na ol meri i bin skul long Yarapos i bung na amamasim dispela bikpela de, olsem dispela yangpela lain i soim.

AMAMASIM 50 YIAS: Rose Anoli Maule (raithan) i wanpela bilong 11-pela studen husat i stat skul long Torembi. Em i sanap wantaim Agnes Danda. *Ol Poto na stori Anna Solomon*



Kopkop skul helpim Filipins

Isaac Liri i raitim

KOPKOP skul long Gerehu insait long NCD i bin holim wanpela spesol de we ol sumatin, tisa na ol mama

papa i givim liklik kontribusen mani go long skul. Na tu ol sumatin i bin gat sans long mekim kain kain dresing stail na kam long skul. Dispela mani ol i bungim i bilong helpim ol

lain long Filipins husat i kisim bagarap long taifun Haiyan.

Ektng het tisa bilong Kopkop skul Mista Tony Mong i tok olsem ol i bin kisim K1414 na dispela mani bai

go long Filipins Ret Kros opis long Visen Siti we olgeta kontribusen bilong ol skul i wok long go long en. Bihain bai i go long Filipins long helpim ol Tarangu manmeri long hap.



Mein bilding bilong Kopkop skul.

Planim nainpela bodi

Sape Metta i raitim

FONDE de 21 bilong mun Novemba 2013 bai i go daun long histori bilong famili wantok na ol wanpisin bilong 9-pela lain husat i bin dai long taim graun bruk long Ronu long Isten Hailans 4-pela wik i go pinis.

Dispela nainpela lain, wanpela long ol em yangpela mama husat i gat bel.

Nem bilong dispela nainpela lain em Papa Bosipo, Kopowe Nenge, Dusty Kono, Unga Dusty, Gaima Papane Dusty, Pauline Papane, Modu Dusty, Alice Kopoya na Junia Jacob.

Isten Hailans ektng Provinsal Administreta Bill Kavanamur I makim nesanel na provinsal gavman na i bringim ol bodi i go givim long ol famil.

Em i tok sori long dispela hevi na birua i kamap na kilim ol dispela lain.

Em i tok, hevi na birua em ol man I no kamapim, tasol em i kamap long laik bilong

en.

Mista Kavanamur i tok ples I senis na ren na san tu I senis, na win na ren na tait long wara i kamapim tu planti kain kain hevi na birua.

"Olsem na mi singaut i go long ol manmeri long ol kain ples olsem Watabung na ol arapela distrik long provins olsem, sapos ol i ken muv na lusim ples we hevi na birua i ken kamap na i go long ol ples we i seif long en na sindaun long dispela hap," Mista Kavanamur i tok.

Em i tok strong olsem opis bilong em bai kirapim wok awenes program long skulim ol manmeri long muv i go i kam na sindaun long gutpela seif ples long provins stat long Kassam Pass na i go pinis long Mangiro long boda mak bilong Isten Hailans na Simbu Provins.

Mista Kavanamur i tok, long kain awenes olsem bai ol manmeri bai i ken kisim skul na painim gutpela seif ples long sindaun long en.

Haus sik mog i bagarap

Sape Metta i raitim

PAWA blek aut klostu klostu i kamapim pinis hevi long kuling sistem bilong bikpela Goroka Provinsal haus sik mog bilong putim ol dai man, meri na pikinini long en.

Edmin opisa bilong haus sik, Oriso Eseno i tok, ol lain husat i gat bodi bilong ol famili na wantok i stap long mog, i mas go na rausim

bodi hariap bipo long ol i bagarap na sting.

Em i tok, sapos ol i no kamap na rausim bodi, haus sik bai bungim ol bodi, karim i go daun long pablik matmat na planim olgeta bodi long wanpela hul tasol.

Mista Eseno i tok, kula bilong mog em i no wok gut olsem na i no gutpela long larim ol bodi i stap longpela taim.

Mobail teks helpim wok bilong kot

Kolopu Waima i raitim

WANPELA wok painimaut i soim olsem mobail fon teks i ken helpim long kisim gut tok save long wokim plen na givim gut-pela servis long Papua Niugini.

Papua Niugini na Australia i bin traim pinis long 35 distrik kot long PNG. Ol kot klek i save teksim ol infomesen ol distrik kot i salim go bek long viles kot.

Ol i karim wok painimaut long moa long 200 oda bilong kalabusim man long 35-pela kot insait long tupela mun na skelim wantaim data ol bin kisim insait long 12-pela long wanpela kot.

Dispela projek em Mejisterial Servis na Len Mediesen Seketeriat long Dipatmen ov Justis na Atoni Jeneral i kamrim aut. Long bihain taim, em bai

helpim long mekim gutpela polisi bilong emprisenmen oda.

Mausman bilong dispela wok long Australia Hia Komisen, James Hall, i tok dispela wok i soim strong bilong yusim ol teknoloji i stap pinis long givim servis long PNG.

Sif Mejistret, Misis Nerrie Eliakim, i tok dispela projek i givim nupela infomesen.

Givim servis long liklik ples we planti manmeri i stap long en em bikpela samting".

"Tasol wok bai no nap kamap gut sapos yumi nogat data long wan wan distrik na yumi no save wanem kain disisen ol viles kot i mekim," Misis Eliakim i tok.

Seketeri bilong Dipatmen ov Jastis na Atoni Jeneral, Dr Lawrence Kalinoe i tok ol i kisim data nau na mekim gutpela wok long en.

Birua i kamap yet long Okuk Haiwe

Sape Metta i raitim

OLGETA yia, klostu long krismas, planti kain kain hevi na birua i save kamap. Sampela long ol dispela hevi em ol birua long rot we planti man, meri na ol pikinini i save kisim bagarap

na dai. Long Tunde moning long wik i go pinis, tupela 15 sita bas i bin kamapim birua long seksen bilong Okuk Haiwe long Boda hauslain long Ifiyufa, Isten Hailans. Ol draiva na ol manmeri na pikinini husat i bin stap insait long tupela bas i bin

kisim bagarap, na ol i kisim ol i go long bikpela haus sik long Goroka. Salome Jim husat i bin lukim dispela birua i tokim *Wantok* olsem dispela birua i kamap long 7 klok long moning. Na laki tru olsem i no gat man i dai long dispela birua.

Em i tok, em i wanpela mama husat i save stap arere long Okuk Haiwe na em i save lukim planti birua i kamap long dispela rot. Em i tok planti bilong ol dispela birua i save kamap klostu long pinis bilong yia we ol kain kain selebresen i save kamap.



BIRUA long ol kar, trak na PMV bas i no save pinis long Okuk haiwe. Dispela samting i save kamap olgeta de. Dispela 25 sita kosta bas i bin ran i kam long Mapemo, Ifiyufa long Isten Hailans i kisim bagarap long taim em i bin kapsait. Bas i bin pulap na laki tru no gat wanpela pasindia i dai. Polis long Goroka i tok lukaut long ol draiva i mas was gut na draiv long dispela taim bilong yia we planti lain i laik amamasim krismas na nupela yia i kam. **Poto: Sape Metta**

Spesel polis operesen bilong Yangoru-Saussia ilektoret

Kolopu Waima i raitim

YANGORU-Saussia ilektoret bai i gat sepsel polis operesen i kamap long lukautim lo na oda.

Minista bilong Komes na Indastari na memba bilong Yangoru-Saussia Richard Maru i tok astingting bilong

dispela operesen em bilong daunim lo na oda long distrik. Em i mekim dispela tok-tok taim em i opeim program las wik.

Mista Maru i tok 15 polisman bilong mobail skwad 4 long Pot Mosbi bai go stap long Yangoru stesin.. Ol man o meri husat i bikhet na kamapim bai kisim. Ol dis-

pela polis bai bes long Yangoru stesin.

"Ol polis bai stap long distrik long tupela mun, o moa long klinim na daunim ol hevi bilong lo na oda long distrik. Ol presiden mas wok bung wantaim ol polis na kisim ol manmeri husat i kamapim stil pasin na givim long han bilong polis we ol

polis bai sasim na kalabusim ol," Maru i tok.

Mista Maru i tok Yangoru-Saussia distrik bai givim K150 000 antap long K200 000 nesanel gavman i givim long dispela operesen.

"Ol yangpela drink stim, pulim simuk nogut (mari-

wana) na karim gan raun na pretim ol lain bai stop nau. Nogat wanpela man bai pretim, tok nogut o pulim meri, pikinini na jeneral pablik," Mista Maru i tok.

Em i askim olgeta presiden na wod kansola long givim helpim long ol polis.

"Mipela i lukluk long karim ol bikpela ikononmik projek long distrik olsem na mipela mas i kisim tras na konfidens long ol bisnis man husat laik karim divelopmen i kam long distrik. Wanpela rot mipela i mekim em long rausim lo na oda problem long distrik," Maru i tok.

PAINIM OL STRINGA O FRILENS RAITA LONG OL PROVINS

Wantok Niuspepa i painim ol stringa/frilens raita o lain i ken raitim ol nius stori long Tok Pisin na salim i kam long mipela long putim long pepa bilong yumi ol PNG stret.

Mipela i laikim ol stringa long Hailans rijon olsem Sauten Hailans na ol provins olsem Simbu, Enga, Jiwaka, Hela na Westen Hailans Provins. Long Momase rijon na ol provins olsem Is na Wes Sepik, Lae na Madang na long ol Niugini Ailans provins olsem Is Nu Briten, Wes Nu Briten, Manus, Nu Ailan na Otonomes Rijen bilong Bogenvil. Mipela i gat inap stringa long Mosbi na olsem Sapos yu wanpela skul tisa, wok manmeri long gavman, praivet sekta na sios, o yu wanpela manmeri i gat save na laik long rait na yu laik promotim provins na ples bilong yu, salim pas long intres bilong yu, o salim email o ring i kam na toktok long Ekting Edita. Ol kontek edres na telepon namba em: The Acting Editor, *Wantok Niuspepa*, C/- Word Publishing Company, P O Box 1982, Boroko, NCD. O email: editorial @ wantok.com.pg o ring long telepon namba 3252500 o feks 3252579.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp

90hp

70hp

50hp

40hp

*Photo for illustration purposes only

PORT MORESBY: 323 2658 | Digicel: 7215 0333 / 7217 9815
 LAE: 472 6324 KOKOPO: 982 8748 | email: machinery@agmark.com.pg

Tisa lusim skul bai kisim taim

Kolopu Waima i raitim

OL Tisa husat i statim skul holidi bihain long gret 8, 10 na 12 eksam bai no inap kisim pe.

Tising Sevis Komisen saiman Baran Sori i tok aninit long tising sevis Act sekese 96 sab sekese 4, ol tisa i mas stap long skul go inap long opisal skul klosing de 13 long mun desemba 2013.

Em i tok memba bilong Tising Sevis em i inap long go long holidi wantaim ful pe. Sapos em i stap long wok go inap long las de bipo stat bilong liv, em i orait.

Mista Baran i tok tising sevis komisen i kisim nius olsem sampela klas tisa bi-

long gret 8, 10 na 12 i lusim skul pinis taim eksam i pinis. Ol dispela tisa i brukim sekese 96 bilong Tising Sevis Komisen Ekt.

Komisen bai no nap kisim o harim wanpela eskus bilong ol dispela tisa long lusim skul na kam long long Mosbi o go long narapela hap.

Ol i mas stap yet long skul na wokim ol opisal wok ol het tisa i givim, ol kain wok olsem wokim sumatin ripot kat, prosesim skul intenat asesmen mak, wokim stok tek na redi long ol program bilong narapela skul yia.

Mista Baran i tok ol het tisa long aninit long pawa bilong ol, i mas mekim save olsem olgeta tisa i stap long

skul inap long pinis bilong skul yia. Em ii tok ol ii mas kisim nem bilong ol dispela tisa husat i lusim skul long provinsal edukesen atoriti long ripot i go long ol provinsal edukesen institusen na bihain ripot stret long Tising Sevis Komisen.

Komisen nau i askim olgeta skul bod memba, na ol standed opisa long wan wan inspekorat, distrik edukesen program menesa, sios edukesen ejensi seketeriat na ol provinsal edukesen edvaisa long ripotim komisen ol tisa husat lusim skul eli. Komisen bai mekim save long dispela kain tisa husat save lusim wok na i no mekim gut olsem profesenel tisa.

PEAN: Non-pemited skul pikinini mas sindaun long eksem

Kolopu Waima i raitim

PAPUA Niugini edukesen advokasi netwok (PEAN) i askim Dipatmen ov Edukesen long larim ol pikinini husat i skul long non-pemited skul i mas sindaun long neseneleksaminesen.

'PEAN ekesekekive dairekta Priscilla Kare i tok ol papamama i gat rait long salim pikinini bilong ol i go skul long wanem kain skul ol i laikim.

Em i tok olgeta gret 8, 10 na 12 sumatin i mas sindaun long neseneleksaminesen.

Misis Kare i tok edukesen sistem nau i no laikim ol

pikinini husat i skul long praivet non permitted skul long sindaun long neseneleksaminesen. Dispela i bagarapim sans bilong ol pikinini long skul.

Misis Kare i mekim dispela toktok long taim bilong tingim "Universal Children's Day" selebren las wik. Em i tok humen raits instrament wantaim "Right of the Children Convention" na CEDAW i luksave na tokaut pinis long edukesen bilong olgeta pikinini.

Tasol planti ol Papua Niugini pikinini husat i stap pinis long skul i no sindaun long neseneleksaminesen bikos skul bilong ol i no gat luksave long Dipatmen ov

Edukesem.

"Ol pikinini husat i go skul long private non permitted skul em ol Papua Niugini, neseneleksaminesen long lo "Article 10" bilong CEDAW i tok ekwel akses long edukesen long olgeta level na akses long olgeta karikula and eksaminesen. Olgeta pikinini i skul long ACE skul na arapela praivet skul mas i gat wan kain rait long sindaun long neseneleksaminesen wantaim ol pikinini i skul long pablik na gavman pemit skul.

Em i tok dispela i no kamap na ol yangpela Papua Niugini pikinini i no gat sans bilong kisim edukesen.

Foti pri skul tisa pinisim trening

FOTI pri skul tisa i save nau long nupela pasin bilong skulim ol pikinini long rit na rait.

Ol dispela tisa i save tis long 18 komyuniti sevis senta em Digicel PNG Faundesen i lukautim long Pot Mosbi, Rigo long Sentral Provins na Malalaua long Galp provins.

Ol i kisim trening na greduet las wik long "Isi Learning" tisa trening program.

Dispela program bilong Digicel i save kamap long ol setlemen long helpim ol pikinini ii redi long go long skul. Ol pikinini krismas bilong ol i stap namel long 4 na 12 yia i save go long dispela skul.

Isi learing trening program em i komyuniti bes tisa tren-

ing program, we Digicel Faundesen i save givim mani long kost long K81,700. Foa skwe sios i save mekim aut dispela wok.

Dispela program i bilong kamapim ol planti komyuniti bes tisa wantaim gutpela save long lainim ol liklik pikinini long skul na developmen.

Dispela em namba foa taim we 161 Komyuniti bes tisa i kisim trening pinis. Dispela 40 tisa i bringim namba go antap long olsem 201 tisa.

Ol i save lainim lesen planning, klasrum edministresen, skul menesmen na bod monitering.

Kos tisa Vincent Gene i tok, "Ol tisa save kamapim laip bilong ol pikinini long edukesen

na tisa trening em i bikipela long skul bilong ol pikinini long klasrum."

Digicel PNG Faundesen Sif Ekesekekive Opisa, Beatrice Mahuru, ii tok tenk yu long ol tisa na i tok ol wok painim aut i soim olsem ol gutpela pri skul i save apim save bilong ol pikinini na helpim ol gut long rit.

Digicel faundesen i helpim 371 komyuniti bes projek long 22 provins insait long PNG. Na tu ol i putim K27.2 milien long komyuniti we i gat stret sensis long moa long 250,000 pipel. Faundesen i gat plen long sapotim yet komyuniti projek long besik edukesen na helt long sapotim ol komyuniti.



Ol tisa husat i pinisim trening i sanap long poto.

Edukesen kisim moa tisa

Kolopu Waima i raitim

DIPATMEN ov Edukesen bai 6500 nupela tisa stat long 2014.

Seketeri bilong Dipatmen ov Edukesen Dokta Michael Tapo i mekim dispela toktok las wik long edukesen na trening komiti miting long Gaire, Sentral provins.

Dokta Tapo i tok long pinis bilong wan wan yia ol i plen long kisim 33,000 nupela tisa husat i gat gutpela save long skulim gut long ol pikinini.

Em i tok ol dispela tisa bai

no inap trening long tupela yia. Ol bai trening long tripela yia na kisim moa save long skulim ol pikinini long klasrum.

Nau yet planti ol tisa i resign na ol narapela i painim nupela wok na i mekim ol tisa i kisim taim long wanem ol i save skulim planti pikinini long wan wan klasrum.

Em i tok gavman nau i luksave long hatwok ol tisa i save mekim na i apim pe bilong ol tisa. PNG Tisa Aso-sisesen (PNGTA), Tising Sevis Komisen na Dipatmen ov Pesonel Menesemen i sainim kontrak long apim pe

bilong ol tisa. Dispela kontrak bai pinis long 2016.

Ol tisa nau i ken amamas long wanem ol bes salari bilong ol i go antap na dispela tu, bai grisim ol gret 12 sumatin long go long ol tisa koles long kamap tisa.

Dokta Tapo i tok moa olsem planti ol tisa i no save salim pepa i go long kisim moa trening long appredim save bilong ol. Sapos ol i laik mekim ol i ken aplai.

Em ii tok ol tisa ii mas tingting tu long famili bilong ol, nogut bai ol ii no gat taim long skul sapos ii gat wari long sindaun bilong famili.

Ol Ritel Outlet lain!
Salim moa pepa na win olgeta wik!!

Ol Kep
 Ol bilak Kola siot
 Ol marun Kola siot
 Ol blu Kola siot
 Ol Ambrela

Sapos yu salim, Sapos yu salim, Sapos yu salim,

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Ol Prameri skul sumatin i amamas na soim ol sola lam bilong ol. Poto: Esso Highlands

Sola Lam bilong lainim

Kolopu Waima i raitim

OL prameri skul sumatin long LNG projek eria long Sauten Hailans provins i kisim wan wan sola lait long helpim ol long mekim skul wok bilong ol long nait.

Esso Highlands, opereta bilong PNG LNG projek, i givim 2, 5000 sola lam long 10-pela prameri skul na 20 elementeri skul long Komo, Hides, Angore na Juha.

Sosel impek Menesa Sisa Kini i tok ol dispela sola lait

em wanpela rot bilong LNG projek i helpim edukesen long projek eria.

Sampela ol dispela lait ol bin givim long taim bilong pasim skul olsem prais long ol sumatin husat i mekim gut long skul.

Gavman luksave long Kristen Helt Sevis

Minista bilong Helt na HIV/AIDS, Michael Malabag i tok amamas long Gavman na NEC long givim tok orait long apim mani bilong ol Kristen Helt Sevis i go long K134 milien.

Pastaim Kristen Helt Sevis i kisim K94.0 milien long 2013 baset tasol stat long 2014, gavman i putim i go antap long K134.0 milien, bihain long wanpela ol i stretim Kristen Helt Sevis woklain na ol ples samting bilong wok.

Mista Malabag, husat i memba bilong Pot Mosbi NotWes i tok gavman bilong O'Neill na Dion i luksave long gutpela wok bilong ol woklain bilong Kristen Helt Sevis na ol i givim dispela kain mani.

Wantaim moa mani, ol Kristen Helt Sevis i ken apim pe bilong ol woklain bilong ol i go wankain olsem ol heltwoka bilong gavman. Minista i gat bikpela amamas tru na i givim luksave long gavman i bihainim tok promis na kamapim gut

ol pe na sindaun bilong ol woklain bilong Kristen Helt Sevis long kantri.

Minista Malabag i tok i gat moa mani tu long stretim ol haus sik na klinik na etpos long wanem gavman i tok orait long narapela K40.0 milien em i askim long kisim olgeta yia, stat long 2014.

"Wantaim moa mani, Ol Kristen Helt Woka nau bai kisim pe i kam long Sentral Kompiuta Perol sistem," Mista Malabag i tok.

Em i tok moa olsem Sios Medikal Kaunsil na Seketeriet bai lukautim dispela mani bilong pe. Kristen Helt Sevis i save ranim 47 pesen bilong helt sevis long kantri wantaim 80 pesen long ol provins olsem Sandaun na Westen Provins.

Ol Sios i ranim 17 rurel haus sik, 305 helt senta, 193 etpos, 12-pela komyuniti helt woka trening skul na 5-pela nesing koles long kantri.



Ol nes i wok long 4 Skwea Kaugere klinik nau bai i ken kisim wankain pe olsem ol woklain aninit long helt dipatmen. *Poto: Frieda Kana*

PNGDF Medikol Patrol long Galp Provins



Ol PNGDF soldia na ol CHW kalap long moto bot na i go long ol ples long mekim helt autris wok.

PNG Difens Fos Medikol Patrol tim i helpim gut tru ol ples insait long Galp Provins insait long mun Novemba.

I gat 27 PNGDF soldia i yusim save bilong ol long lukautim sikman na man i kisim bagarap

long taim bilong pait, na ol i helpim gut tru ol pipel i stap longwe tru long ol helt sevis, insait long Galp Provins.

Planti bilong ol dispela 27 soldia em ol i pin-isim skul bilong fes eid kos bilong lukautim man

long taim bilong pait, (Fes Eid Kos) aninit long Australia Difens Fos Kopresen Program, i no long taim i go pinis.

Dispela wokabaut i go long Galp Provins i bin kamap long 9 i go 15 Novemba Leftenen Micha Jeremiah i go pas wantaim helpim bilong Namba 2 Leftenen Charles Nauesh, Rejimen Medikel Opisa bilong Goldie Riva Trening Depo.

Ol soldia i kisim bes long Kikori, na ol i haia long ol spit bot long ran i go long ol ples bilong Kikori Wara olsem Kabarau, Kopi, Ero, Veraibari, Goari, Bisi, Kiaim na Apeawa.

Kikori Haus sik i helpim wantaim ples bilong ol soldia long slip. Wanpela tim i kalap long helikopta bilong PNGDF na i go long ol maunten ples olsem Tobare na Negebare, klostu long arere bilong Sauten Hailans Provins.

Namba Tu Leftenen Nauesh i tok dispela medikel tim i givim namba wan praimerit helt ke bilong stopim ol kain kain sik olsem givim aut moskito net long ol ples we i no gat ol namba wan helt ke

sevis.

"Em i gutpela na bikpela samting tru long mipela i go long Tobare bilong wanem ol pikinini long dispela hap i no bin kisim banis sut na marasin inap 5-pela yia nau. Wanpela helt sevis klostu long Tobare em i stap olsem mak bilong tripela de wokabaut," Namba Tu Leftenen Nauesh i tok.

Ol komyuniti helt woka, Rose Augani, Aropo Warato, Timothy Ananias na James Koivi i helpim long givim banis sut na marasin long ol pikinini na givim famili plening na stretim rekot bilong helt buk bilong ol pikinini long ol stori bilong banis sut na marasin.

PNGDF i save ranim ol kain medikel patrol olsem long ol provins long wan wan yia. Las yia ol i bin mekim long Wes Nu Briten Provins.

Australia Difens Fos Kopresen Program i sponsa long dispela program. Ol i save givim helpim long ol wok na projek wantaim mani mak bilong K50 milien olgeta yia.

Milen Be stretim rurel helt sevis

MILEN Be Provins i holim wanpela brukim graun seremoni bilong wanpela komyuniti helt pos, bilong makim stat bilong Rurel Helt program bilong stretim ol helt wok ples long rurel eria, las wik.

Nesanel Dipatmen bilong Helt, Milen Be Provinsal Helt Atoriti na Asia Developmen Benk wantaim Australia Aid i bung long brukim graun bilong wokim wanpela komyuniti helt pos long Bubuleta, long dispela wik.

Minista bilong Developmen Kopresen long Australia Hai Komisen, Stuart Schaefer i brukim graun wantaim hetman bilong ADB na ol Helt Atoriti long dispela taim.

Mista Schaefer i tok, "Dispela komyuniti helt pos bai bringim gutpela helt ke long Bubuleta ples na o narapela ples long baksait."

"Em bai kamap olsem ples bilong ol viles helt voluntia i ken lainim wok na long kisim moa tok save helt na kisim ol sevis.

Em bai bringim gutpela helt na lukaut long ol mama na pikinini na bai i gat wanpela meri i kisim skul long helpim ol mama long karim i stap long helpim ol meri long taim bilong karim pikinini," em i tok.

Dairekta Jeneral bilong ADB, Pasifik Dipatmen, Xianban Yao, i tok "Dispela Helt Pos em i namba wan bilong planti moa helt pos dispela projek bai kamapim, na mipela amamas long givim gutpela helt ke sevis long Bubuleta komyuniti,"

Bihain long seremoni, olgeta opisel i bungim na toktok long 1,200 pipel bilong Bubuleta Komyuniti. Bubuleta em i stap long Not sait bilong ol nambis bilong Milen Be. Inap long 30 krismas, dispela komyuniti i save kisim helpim long wanpela liklik, olupela etpos tasol. Ol lain i kisim bagarap o bikpela sik em ol i save wokabout 35 kilomita long go kisim helpim long Alotau Jeneral Haus

Sik.

Dispela projek em i bilong stretim ol helt klinik na etpos, na tu long stretim haus bilong ol helt woka, baim ol marasin na samting bilong wok na baim kar bilong helpim ol wokman na sikman. Ol woklain bilong rurel helt klinik na helt senta i kisim trening long lukim ol mama bel na ol sik pikinini na HIV/AIDS.

I gat tok skul na awenes long senitesen, na jenda tu i kamap long ol komyuniti. Dispela em i kam aninit long Rurel Praimerit Helt Sevis Deliveri Projek.

Dispela projek i stap insait long US\$1.2 milien Rurel Praimerit Helt Sevis bilong PNG. Em bai strongim rurel helt sistem wantaim ol ejensi rurel helt sevis ausait long gavman long tupela distrik bilong Milen Be, Isten Hailans, Is Sepik, Enga, Westen Hailans, Wes Nu Briten, Morobe Provins na Atonomas Rijen bilong Bogenvil.



Brukim graun seremoni long Bubuleta.

Konpresn bilong stopim famili seksual vailens



Yut, Meri na Famili

Pastor
Barbara Lunge

Kamaut long kalabus bilong pasin nogut

Yu wanpela wokboi nating i mekim wok bilong masta bilong yu? Hamas yia yu bin stap olsem? Bilong wanem na yu kisim dispela kain wok? Wanem taim bai yu luksave na lusim pasin bilong stap wokboi nating na kamaut long en?

Wokboi nating em i wanpela man o meri husat i gat sampela kain pasin nogut em i save mekim tasol em i painim hat long lusim. Ol dispela strongpela pasin i kamapim bagarap long em, na mekim em i no inap long kisim ol gutpela samting God i kamapim em long kisim. Ating yu save smok klostu, klostu na yu hat long lusim, o kaikai buai tumas na yu hat long stopim. Dispela ol pasin i no gutpela long bodi bilong yu. Yu gat wanpela lewa tasol na tupela win bek tasol, i no gat senis. Ating yu save pilai laki tumas o wokim maket mani, o yu save spak long bia na painim meri o man tumas. Ating yu no save bosim gut mani bilong helpim ol famili bilong yu long baim skul fi na ol narapela gutpela samting bilong famili na ol narapela?

Taim yu save aigris long man o meri na no stop, em nau yu save brukim lo na bagarapim narapela olsem pasin rep, paulim man o meri bilong narapela, kilim man na planti moa narapela pasin i no gutpela. Ating yu lusim meri o man bilong yu wantaim ol pikinini na stap krangi wantaim narapela man o meri i no poroman tru bilong yu. Ating yu save stil, belhat o yu no save lusim rong?

Sapos yu mekim wanpela o sampela bilong ol dispela pasin, orait yu mas harim Tok bilong God na kamaut na kamap fri. Bai yu kisim bek ples bilong yu olsem God i bin kamapim yu long mekim gutpela wok long graun. Yu mas save long wanem taim God i putim bilong wanpela man i ken stap olsem kalabus man o wokboi nating em 6-pela yia na long namba 7 yia em bai i kamaut. Ol dispela Baibel ves bai helpim yu long kamaut.

“Sapos yupela i baim wanpela wokboi nating bilong lain bilong yupela ol Israel yet, orait em bai i mekim wok bilong yupela inap long 6-pela yia. Na long namba 7 yia, yupela i mas lusim em i go. Na em i no ken givim sampela mani long yupela pastaim. Nogat tru.” Kisim Bek 21: 2

Yu no ken sindaun na wet long senis bai kamap long yu. Nogat. Yu yet mas go aut na lusim ol pasin i kalabusim yu. Yumi kam klostu long milenium yia na yumi save olsem ol i mas winim wanpela biugel long olgeta hap bilong tok save olsem ol wokboi nating i mas lusim pasin bilong wok nating na kamap fri long amamas long bekim ol taim ol i bin stap kalabus long pasin nogut. Winim biugel em i min olsem ol wokman meri bilong God i mas autim tok olgeta taim, na i no long taim bilong lotu tasol. Ol i mas tokaut olsem ol wokboi nating i kamap fri nau.

God i gat bikpela marimari i kam long yu nau long helpim yu na em i singaut long yu mas harim tok bilong em na kisim ol gutpela samting bilong yu long em.

Sapos yu laik toktok moa o yu nidim prea, yu ken rait long: **Evangelis Barbara Lunge, ROGIM, P.O. Box 3063, Boroko, NCD, PNG, o ring long bm 67331426 OR 71075829 dg**

Frieda Sila Kana i raitim

CIMC, na Famili Seksual Vailens Komiti wantaim Helt Dipatmen na Medecins Sans Frontieres (Ol dokta i nogat mak) i bin kibung long kamapim wanpela gutpela rot bilong stopim pasin bilong bagarapim meri insait long famili yet o famili seksual vailens, long wik i go pinis.

CIMC i bin bungim olgeta lain i save wok long helpim ol meri na pikinini husat i save kisim hevi long famili vailens, long kamapim wanpela gutpela rot bilong wok long strongim Famili Proteksen Ekt we Palamen i bin tok orait long em pinis long Septemba.

Ol helt woka, sosel woka, mejistret, polis na ol sios woka bilong 11-pela provins i bin kamap long dispela 2 de konpres long long Mosbi. Bihain long namba wan de olgeta lain i bungim olgeta toktok na tingting bilong ol aninit long tripela bikpela het tok; Lo na Jastis, Helt, na Proteksen o Lukautim.

Paul Brockmann, man i go pas long MSF long PNG i bin amamas tru long lukim ol lain i kamap wantaim ol dispela rekomendesen. Na long namba tu de ol i go long ol provinsal grup bilong ol long kamapim ol fremwok o plen bi-



MSF autris opisa Ely toktok wantaim ol meri long Wait Ribon De. Foto: MSF

long karim wok i go het taim ol i go bek long ol provins bilong ol.

“Mi amamas tru long ol lida bilong polis, sosel welfe na haus sik i kamapim ol dispela rekomendesen insait long tupela de tasol. Tenkyu ol patna,” Mista Brockmann i tok.

Em i tok, “Insait long 6-pela yia mipela i bin stretim moa long 10,000 lain i kisim bagarap long famili seksual vailens. Dispela em i sotpela taim tumas long bikpela namba olsem i kisim bagarap. Salens i stap nau long ol eksen plen i

mas kamapim gutpela rot bilong stopim dispela hevi.”

Ume Waineti, bos bilong Famili Seksual Vailens Eksen Komiti i tok, dispela em i namba wan taim kain kibung i kamap. Tenpela provins i bin stap long dispela kibung. Bikpela tingting em long helpim ol meri na pikinini husat i save kisim hevi long vailens.

“Mipela i save wok long wan wan eria bilong mipela, tasol em i namba wan taim long olgeta lain long kain kain seksen i kam bung wantaim. Planti lain i wok long luksave long

hevi bilong seksual vailens i stap long kantri,” Mis Waineti i tok.

Sif inspekta David Kila, i tok i gat 9-pela seksual vailens yunit long kantri, 3-pela bilong ol i stap long NCD. Long 2014 bai i gat klostu long 15-pela polis yunit bilong seksual vailens.

Tasol Sif Inspekta Kila i tok, planti taim ol i save kisim taim long kotim ol man i kamapim vailens long famili, bikos ol meri i save tingim sindaun bilong ol bai bagarap sapos man i go kalabus.

Air Niugini i tok no ken paitim meri

AIR Niugini menesmen i no laik ol meri i lusim wok bikos long hevi bilong marit na pait.

Jeneral Menesa bilong Human Risos, Rei Logona i makim Sif Eksekutiv Opisa bilong Air Niugini na mekim dispela toktok long taim ol woklain bilong Air Niugini i soim sapot bilong ol long rausim pasin bilong paitim meri long tingim wait ribon de long Mande.

Mista Logona i tok Air Niugini i save givim wankain wok tasol long ol man na meri. Planti meri tu nau i wok olsem menesa na em i bikpela samting, long ol meri i mas kamap long wok na i no ken pret long pait na hevi long haus.

“Ol meri i no ken lusim wok bikos man bilong ol o brata bilong ol i paitim na bagarapim ol



Air Niugini na Nesenal Airports Kopresen woklain i wokabaut long mas long Jacksons Ples Balus i go long Air Niugini Het Opis.

long haus. I gat sampela narapela long stretim hevi na pait em i no gutpela rot long stretim hevi.

“Mipela ol man i mas

rispekim olgeta meri,” em i tok.

Em i tok, kalsa bilong PNG i mekim ol man i ting olsem ol i moa yet long ol meri. Tasol yumi mas mekim kliia olsem

nau yumi stap long twenti fes senseri (21st century) na i mas gat wankain rispek long meri na man wantaim. Em i tok long ol meri tu i mas rispekim ol man na ol i no ken mekim bel bilong ol i kirap long kros na pait.

Nesenal Airline Emplois Asosiesen (NAEA) i go pas long dispela wokabaut na ol i bung wantiam ol woklain bilong Air Niugini na Nesenal Airports Kopresen. Wokabaut i bin stat long haus bilong wetim balus long Jacksons Intenesenal ples balus, na i go olsem long het opis bilong Air Niugini long 7 Mail we ol menesmen bilong Air Niugini i toktok long ol.

Air Niugini i sapotim dispela wokabaut na ol wok sampela lain i mekim long stopim pasin bilong paitim meri.

Stopim pasin bilong bagarapim ol meri

INTENESENEL Plan Parenthood Federesen (IPPF) i sanap baksait long UK Dipatmen bilong Intenesenal Developmen DFID) long strongim wok bilong stopim pasin bilong bagarapim ol meri long ol ples we i gat bagarap olsem long Filipins nau taifun Haiyan i bagarapim ples.

Long taim bilong pait na bagarap, ol meri pikinini na mama i save bungim bikpela hevi moa long taim planti lain tumas i bung long ples we i no bilong ol na i no gat lo na oda. I

gat ol mama i gat bel, ol yangpela i go longwe long famili bilong ol, na planti moa hevi i bikpela tumas na ol i mas kisim wankain mak bilong helpim olsem ol narapela helpim i go long olgeta pipel.

Dairekta Jeneral bilong IPPF Tewodros Melesse i tok, “Tingim tasol, sapos sampela hevi i kamap na yu ranawe long haus bilong yu na go longwe long famili bilong yu, na gen yu stap long wanpela haus sel wantaim ol lain yu no save long ol. Em

inap long ol man i slip wantaim yu nating na bagarapim yu.”

“Yumi mas lukluk gut long rot bilong daunim wanem kain hevi ol meri i save bungim. Ol kain hevi bilong ol man i givim aut kaikai long taim nogut i laikim bai ol meri i slip wantaim ol long kisim kaikai o long painim gutpela na seif hap long karim pikinini,” Tewodros Melesse i tok.

“IPPF em i wanpela grasrut oganaisesen na mipela i save wok wantaim 152 Memba Asosiesen long moa long 170

kantri. Na long taim nogut, mipela i save stap pinis long ples bilong bagarap na redi long helpim ol meri long rait bilong ol long helt bilong karim pikinini,” em i tok moa.

Taim mipela i kisim yia 2015, IPPF bai givimaut pinis 1.2 milien seksual na jenda bes vailens sevis long ol meri.

IPPF em i namba wan lain long givimaut Minimum initial Service Package (MISP) bilong Seksual na Riprodaktiv Helt long taim bilong trabel.

Planti yut i paul na laikim sapot

PLANTI pikinini na ol yangpela pipel tude i save stap wantaim ol narapela lain na ol i bungim hevi bikos ol i no stap wantaim ol trupela papamama bilong ol.

Tu, planti bilong ol i save smok, kisim spakbrus, dring bia na hombru, lukim ol piksa nogut, slip wantaim narapela taim ol i no marit, rausim pikinini long bel na wokim ol kain samting olsem i no stret.

Ol dispela samting i bin kamap long ples klia long ol yut lidasip trening kos we Katolik Sios long PNG na Solomon Ailan i bin holim long 17 daiosis namel long Januery 2012 na Oktoba 2013.

Sekreteri bilong Katolik Yut na Leiti bilong PNG na

Solomon Ailans i bin holim ol trening woksop.

Wanpela bikpela hap bilong dispela trening em long toktok wantaim ol yangpela we ol bin pilim seif long tokaut long ol samting ol i save laikim na ol samting ol i laik mekim long kamap ol gutpela manmeri long komyuniti na sios.

Training long ol wan wan daiosis i bin kisim 8-pela de. Long ol dispela de, ol peris yut lida i bin kism skul long ol wan wan samting we dispela lidasip trening woksop i kamapim, wokim ol prektikal skil, tingting bek, glasim na skelim ol yet, na sapos ol i redi long lusim ol samting i no stret, mekim senis na go het long laip.

Dispela wok glasim long laip na sindaun bilong ol i soim olsem yumi olsem sios i mas wok strong long pastorel kea i go long ol famili insait long ol peris, na mekim ol eksen plen bilong givim helpim na sapot.

"Planti yangpela pipel tude i stap wantaim mama o papa tasol, o wantaim ol lain i kisim long lukautim ol, wantaim ol was mama na papa, na ol wanpisin na hauslain.

Yumi no bisi long dispela bikos yumi ting em i orait, tasol ol yangpela long trening woksop i tok planti hevi i kamap taim ol i no stap wantaim ol papamama stret.

"Ol i no kisim pasin bilong laikim ol papamama stret i givim taim ol i liklik na tu, taim

ol i gro. Dispela i kamapim hevi long gro na laip bilong ol yangpela.

"Olsem sios, i gat nid long yumi lukluk strong long pastorel kea bilong ol famili insait long ol wan wan peris na wokim plen long sapotim ol," ripot i tok.

Long ol narapela samting, ol yut i bin tok ol papamama, famili na peris i no mekim samting long kontrolim o helpim ol yangpela i stap long ol hevi bilong kisim spakbrus, smok, dring hombru na strongpela dring na ol narapela pasin i no stret,

"Bai no gat senis i kamap inap ol papamama, ol famili na, ol peris i wokim samting long sapotim na givim.

Ol Gut Samariten amamasim Goilala komyuniti

DE bilong ol Goilala komyuniti long 6 Mail hap bilong tromoi pipia setelmen i bin kam gut long Sande Novemba 17 taim ol lain long Yunaitet Sios Gordons Kristen Autris Program i go lukim ol, pre nasea wantaim ol.

Krismas i kam klostu nau na ol lain bilong Gordons Sister Fairhall Memorial Yunaitet Sios (SFMC) i bin bung wantaim Goilala komyuniti long 6 Mail na pre, serim Baibel, singim ol peroveta singsing na wokim ol Baibel drama we ol SFMC yut i go pas.

SFMC lain na sios grup lida bilong ol, Vais Tresera na Dikones Ripa Pala i bin givim ol kaikai na klos i go long Goilala komyuniti.

Reveren Jimmy Nigani i bin go pas long pre pastaim ol i givim ol presen long Goilala komyuniti.

Vais siaman bilong SFMC kongrigesen, Manu Tau i bin tok dispela em Gud Samariten 2013 wokabaut long lukim Goilala komyuniti we ol kongriksen memba i amamas long stap insait long en.

Taim ol i serim Gospel mesej i kam long Mathew 2:1-11, Evanjelism kodineta bilong SFMC, Ilagi Veali i tok mama i bin karim Jisas long tarangu ples long Betlehem, Judea.

"Wanpela sta i bin go pas long soim rot long tripela saveman bilong is long painim Bebi Jisas i slip i stap long haus kaikai bi-

long ol sipsip. Taim ol i lukim em, ol i amamas na brukim skru, pre long em na givim ol presen long em. Long wankain rot, Bikman i soim rot long mipela i kam long yupela Goilala komyuniti.

"Maski piksa i no gutpela bikos long ol samting i kamap pastaim, Bikman i laikim yupela na em i gat plen long laip bilong yupela.

"Sapos yumi tanim bel i go long Bikpela na larim em i tasim lewa, senis bai kamap na yumi ken kamap ol gutpela manmeri na tu, blesing long ol narapela," Mista Veali i tok.

Em bin toktok strong long komyuniti long go insait long ol bikpela sios i stap longpela taim

pinis long komyuniti na kantri.

Em ol sios olsem Katolik, Foskwea, Yunaitet na ol narapela moa.

Em i tok ol wok we gavman, ol sios na komyuniti i mekim bai karim kaikai sapos wan wan man i givim em yet i go long Bikpela.

Long pinis bilong felosip, mausman bilong Goilala komyuniti, Kerry Muu i bin tok tenkyu long SFMC grup long wokabaut i go long lukim ol.

"Wokabaut bilong Gut Samariten grup i no kamap nating, nogat. Em i bihainim plen bilong Bikman.

Mipela i lukim pawa bilong Kristen bilip na laik pasin i wok strong i stap," Mista Muu i tok.



Lukim Budhis monasteri

LONG namba tu de bilong miting bilong ol Kodineta bilong SVD bilong Esia na Pasifik long Nong Bua Lamphu Siti long Not Is Thailand; mipela i bin go na lukim skul bilong kendidet bilong monk bilong Budha.

Em i gutpela taim bilong mipela i toktok wantaim sumatin na tisa bilong ol. Namba wan samting mipela lainim long dispela skul em i disiplin. Ol i gat strongpela disiplin long skul na gutpela rispek long narapela narapela.

Na i no long dispela skul bilong ol monk tasol i gat strongpela disiplin. Nogat. Insait long sosaiti na ples bilong ol, pasin bilong soim ripek long narapela narapela i stap strong na i gutpela tru.

Wanem hap yu go, bai yu bungim naispela manmeri na pikinini na olgeta i soim naispela rispek long yu.

Taim mi kamap long monasteri bilong Budha, na harim het tisa bilong skul i tokim mipela long program bilong skul, mi tingim bek long taim mi stap long Mainor Seminari long Hokeng, Larantuka. Olgeta taim bilong ol ektiviti bilong sumatin i stap pinis long plen. Ples na progrem bilong skul i laik helpim yumi long kamap naispela na gutpela manmeri.

Taim mi raun long Indonesia na Thailand na amamas long LAIP i stap hap i helpim mi long tingim situesen bilong LAIP long PNG.

I luk olsem narakain tru. Long PNG yumi painim planti manmeri i soim strongpela pasin nogut olsem spak, singaut singaut long rot mekim nois; krosim manmeri sapos ol i spak; na wokim kain kain pasin i bagarapim komyuniti. Planti manmeri long PNG i no wari long laip bilong narapela.

Lukim tasol long taim bilong wiken. Planti spak manmeri i kontrolim laip bilong Port Mosbi Siti. Ol i wokim wanem samting ol i laik long en, i no wari long narapela manmeri. Nogat rispek long narapela.

Sampela PNG manmeri i save bringim pasin nogut bilong ol i go long narapela kantri.

Pasin kros na bikmaus. Singaut strong na bikmaus long wokmeri. Long taim mi sek in long Denpasar, Bali long kam bek long Pot Mosbi wanpela man bilong PNG i bikmaus na kros long kaunta bikos ol kago bilong em i ovarim mak. Lo bilong balus yu mas putim kago bilong yu inap long 20kg. Tasol man ya, em i bin gat 30kg na meri long kaunta i askim em long baim. Man bilong PNG i no laik na i bik maus bikmaus long meri i wok long kaunta.

Taim mi lukim dispela pasin, mi pilim sem tru. Mi stap long PNG inap long 23 yia nau, na mi lukm dispela man i bikmaus...mi sem tru.....

Pasin yumi gat long PNG, moa yet, pasin bilong singaut na kros long pablik ples na long olgeta hap.....taim yumi go long ovasis, dispela pasin nogut i kamap long yumi tu.

Tingim! Wan wan kantri i gat kalsa na wei bilong laip bilong ol yet. Ol i save soim rispek long narapela narapela na i no laik mekim narapela manmeri i karim pen long pasin nogut bilong ol.

Olsem wanem long PNG? i luk olsem manmeri i bin ligelaisim ol pasin nogut i kamap insait long kantri? Olsem pasin bilong SPAK na tok no gut long narapela manmeri. Pasin blong singaut na bikmaus long komyuniti. Pasin bilong smokim mariwana nawokim hombru na salim?

Askim bilong mi, Quo vadis Gavman bilong PNG na i go long manmeri bilong wokim lo na oda bilong PNG..... Inap yu opim ai na lukm man bilong yaupas i wok wantaim?



OL YARAPOS SKUL PORO: (l-r) Mary Sandrau, Anna Nindim na Nora Nelson i amamas na holimpas taim ol i bin bung long 50 krismas selebren bilong skul long Mary Kwin bilong Pasifik Sios, Waigani, Mosbi. **Poto: Anna Solomon.**

SELEBRETIM 50 KRISMAS BILONG SKUL: Gavana bilong Is Sepik Gren Sif, Sir Michael Somare i toktok long lotu ol bin holim las wik Sarere long Mary Kwin bilong Pasifik Katolik Sios, Waigani long Mosbi. Misa lotu i bin kamap long selebretim 50 yia bilong Our Lady of Mercy Sekenderi Skul, Yarapos long Is Sepik Provins. Planti meri husat i bin skul long hap na i wok o stap wantaim ol famili bilong ol long Mosbi i kamap long dispela Misa na bung kaikai. **Poto: Anna Solomon** Lukim stori long Pes 6



Meri Korea dai long Australia



Wanpela yangpela man i nau sindaun long Brisbane Majistret Kot long sas bilong kilim dai wanpela yangpela meri Korea long CBD. Yangpela man i gat 19 kris-mas.

Polis i tok Eunji Ban em i gat 22 krismas na ol i painim bodi bilong em long Parkland insait long Brisbane CBD long Sande moning.

Mis Ban i nupela tasol long Australia long Yut Eksens Program i bin kamap sikspela wiki nap long dai bilong em.

Ol ditektiv i bilip olsem yangpela meri em wok-about i go long hap ples em i wok olsem hotel klina long Brisbane CBD long taim ol i kilim em long Sande bik moning.

Long neks de ol i arestim Alex Reuben McEwan long



Ol pren bilong Eunji Ban i go putim plawa long hap we ol i kilim em long Brisbane CBD. Insait: Poto bilong Eunji Ban.

wanpela sabab long Spring Hill. kamap na polis i arestim em. Nau em i stap long kas-todi inap em i kot gen long Desember 16.

Polis i tok CCTV kamera i bin kisim olgeta samting i

Poto soim dai boi

Wanpela famili long Yunaited Stet husat lusim pikinini bilong ol bikpela tonedo i kirap nogut long lukim pes bilong em long wanpela mobail poto ol i bin kisim long liklik kandre meri husat i pilai klostu long wanpela paia long haus bilong ol.

Scott McCabe bilong ples Moore we planti tonado i save kamap long Oklahoma i bin lusim pikinini bilong em Nicolas long Me 20 taim traipela EF5 raunwin i bagarapim taun bilong ol.

Nau insait long wanpela poto ol i bin kisim kasen bilong Nicolas long mobail fon i bin soim kasen i pilai na kalap, long baksait bilong em i pes bilong husat i dai pinis.

Papa bilong boi i tokim Oklahoma News9, mi no inap bilip wanem samting mi lukim.

"Pes i no klia tumas tasol mi lukim em pes bilong liklik boi bilong mi husat i dai long tonedo long Me".

Ating em laik kam soim sampela samting long mipela. Bikos klos em



Poto i soim pes bilong dai boi i stap long baksait na liklik kandre meri long fran.

i putim em ol klos mipela i bin putim long em na planim em wantaim.

"Mi no kea wanem samting ol manmeri i toktok long en, mi bilip em pikinini bilong mi na bilip bilong mi bai stap olsem".

Inap e-sigaret i pasim laik bilong smok?

E-sigaret o ilektrikol sigaret i kamap bikpela tru long faivpela yia i go pinis long daunim hevi bilong laikim tumas smok.

Tasol em i gutpela tumas long daunim dispela simuk hevi o em bai kamapim moa pasin long laikim moa smok. Em i narapela giaman we long daunim hevi.

Long London Heathrow Ples balus i kamap namba wan long wol long ofarim indoa ples bilong smokim e-sigaret.

I pawa long bateri na i daunim nikotin bilong smok, na plant i tok, em i no birua olsem ol smok tru tru.



Poto i soim ilektrikol sigaret o e-sigaret, klaut bilong smok tu i luk wankain olsem smok tru.(Cherie McDonald)



Australia Praim Minista Tony Abbott i laikim stretim gutpela prensip wantaim indonesia.

NGO i laikim O'Neill i dil wantaim SABL

WANPELA NGO lain bilong Amerika i mekim sampela strongpela toktok i go long gavman bilong Papua Niugini long stretim ol hevi i em ripot bilong dispela Spesel Egrikalsa Bisnis Lis (SABL) i kamapim

Rosa Koian bilong Bismarck Ramu Group i tok Oakland Institute long Amerika i sutim ol strongpela toktok i go long Praim Minista Peter O'Neill olsem em i no mekim wanpela samting long ol toktok bilong Komisn ov Inkwairi long Spesel Egrikalsa bisnis lis.

Tripela Komisina i bin mekim ol wok painimaut inap moa long wanpela yia. Ol i lukluk long ol tok orait bilong larim ol bisnis kampani bilong ol narapela kantri i kisim lis o yusim moa long 5 milien hekta graun long PNG.

Long stat bilong dispela wik, Oakland Institute i bin autim wanpela ripot ol i kolim 'On Our Land - Modern land grabs Reversing Independence'. Dispela ripot bilong ol i soim wanpela piksa long dispela hevi long PNG.

Rosa Koian bilong Bismarck Ramu Group i tok planti pipel tru i bin lukim dispela piksa. Mis Koian i wanbel long ol tok-tok bilong dispela NGO bilong Amerika.

Tony Abbott salim pas long Indonesia

PRAIM Minista Tony Abbott bilong Australia i salim pas i go long Presiden Susilo Bambang Yudhoyono bilong Indonesia long traim long stretim kros namel long tupela kantri. Bikpela kros i stap namel long tupela kantri bihain long ol ripot i tok Australia i wok long spai long gavman bilong Indonesia.

Tony Abbott i tok wanpela bikpela wok em i mas mekim nau, em long stretim gen gutpela wok poroman wantaim Indonesia.

Indonesia i bin tok strong long Australia i mas tokaut watpo na em i hait na harim ol toktok bilong Mista Yudhoyona na meri bilong em, na sampela gavman minista bilong Indonesia long 2009.

Long Fonde, Mista Abbott i bin tokim palamen bilong Australia olsem em i kisim wanpela pas i kam long presiden bilong Indonesia.

Em i tokaut long dispela wanpela de bihain long Indonesia i rausim ol wokbung long militeri na infomesen wantaim Australia. Mista Yudhoyono i bin kros na i tok bai em i salim pas long Mista Abbott na askim em long tok save gut long watpo na ol spai bilong Australia i hait na harim tok-tok bilong em long fon.

Mista Abbott i tok em i bin bekim pas bilong Mista Yudhoyono, tasol em i no

tokaut long ol toktok insait dispela pas bilong em.

Em i tok wanpela bikpela wok bilong em olsem praim minista, em long strongim gutpela wok poroman wantaim Indonesia.

Mista Abbott i tok presiden Yudhoyono i bin wanpela gutpela poroman bilong Australia na em i laik dispela pren i stap wankain.

Bihainim baset plen: Marape

FAINANS Minista, James Marape i givim strongpela toktok long ol seketeri bilong ol gavman dipatmen na ol senia opisa bilong gavman long lukautim gut mani bilong gavman.

Mista Marape i tok lukaut olsem ol i no ken westim mani o abrusim mak gavman i bin putim long nesanel baset bilong 2014. Gavman i bin tokaut long K15 bilien baset las wik.

Em i tok planti taim ol senia fainans opisa i save baim ol kontrakta na ol lain i givim sevis long taim ol i no pinisim yet wok bilong ol.

Mista Marape i tok kain pasin bilong kisim mani pastaim long ol i mekim wok, i save mekim gavman i lusim planti mani tru.

Minista Marape i mekim dispela toktok long taim gavman i tokaut long 2014 nesanel baset bilong kantri.

Em i tokim ol dipatmen, fainans opisa, na tu, em i singaut long ol provinsal edministreta i mas bihainim mani plen.

Mista Marape i tok gavman yet i no gat inap mani na bai dinau long arapela lain, kantri o benk long ranim kantri long 2014 baset.

Wanbel long nuclear program

Iran i wanbel wantaim ol strongpela kantri long wol long nuklia program bilong en bihain long ol toktok i kamap long Jeneva, Swiselan.

Ol i no tok save yet long ol samting i stap insait long dispela agrimen, tasol Iran i tok olsem em bai no wanbel long wanpela agrimen we i no luksave long rait bilong en long yusim yuranium. Tasol ol i tok nogat long dispela askim bilong Iran olgeta taim.

Dispela tokorait ol i bin toktok long en long Geveva, bai lukim Iran i rausim "higher-grade uranium enrichment" na bai intenesenel komyuniti i givim Iran planti bilien dola mani bilong em we ol i bin stopim, na bai ol i stat gen long tred wantaim Iran long sampela samting. Dispela agrimen namel long ol Islamik stet, USA, Frans, Jemani, Briten, Saina na Rasia ol i wanbel long en bihain long ol i paitim toktok inap moa long foapela de.

Rausim pasin bilong bagarapim ol meri na pikinini



Long kirap bilong dispela wik, Papua Niugini i bin bung wantaim ol arapela pipel long wol long tingim de bilong stapim pasin bilong paitim ol meri na pikinini. Long tingim dispela de, ol pipel i pasim waitpela ribon long bro bilong ol. Long Mosbi, planti opis na kampani i hangamapim i kam daun long dua o sait bilong haus. Waitpela kala em i mak bilong belisi na stopim pait. Planti Bikman na meri i sanap long pablik na autim toktok long pinisim dispela pasin nogut bilong paitim meri, na bagarapim meri, pretim ol na kilim ol indai olsem ol pikdok. Watpo na dispela pasin nogut i wok long kamap yet long kantri bilong yumi. Yumi no stap moa long tudak. Yumi lukim lait pinis. PNG i wanpela Kristen kantri inap moa long 100 yia nau. Yumi kamap independen na i gat nem long wol. Yumi gat inap mani long kamapim ol baset i winim mak bilong planti bilien kina tasol watpo yumi larim ol kain pasin nogut i bagarapim kantri bilong yumi.



Jada 0131

Olgeta wik i gat nius long redio o niuspepa o televisen long trabel bilong paitim na bagarim meri na pikinini. Long sampela ples i gat pasin bilong kilim dai ol lapun meri bihain long ol i sutim tok long em i wokim posin o sanguma pasin. I no gat wanpela bilong ol lain i mekim dispela pasin nogut long ol meri i kamap long ai bilong kot. I no gat ripot bilong wok painimaut long kain trabel olsem. Ol pablik i

no save sapos polis i holim ol lain i mekim pasin nogut. I no gat ripot bilong wanem kain mekim save kot i givim ol. Long taim i no gat moa nius, bai ol pablik i ting dispela kain pasin nogut em i orait, bikos i no gat wanpela mekim save bai kamap.

Tasol dispela kain tingting i popaia. Gavman bilong PNG i luksave long bikpela rong dispela pasin bilong paitim meri na pikinini i save

kamapim long kantri bilong yumi. Long mun Septemba long dispela yia, olgeta memba bilong Palamen i bin tokorait long lo bilong lukautim famili, Family Protection Act. Dispela lo i givim strongpela toklukaut bikos em i tok pasin bilong paitim meri i wanpela criminal pasin na i gat bikpela mekim save. Ol kot tu i mekim wok bilong stretim ol kain hevi olsem i kamap long ai bilong ol. Tasol pasin bilong pret tu

i wanpela samting i stopim ol meri na famili long kotim ol lain i mekim dispela pasin. Ol i pret bikos pasin bilong bekim i strong yet. Yumi kotim man, bai famili bilong em i bekim na bagarapim wanpela lain bilong yumi na trabel bai go yet. Dispela tingting bilong yumi i mas pinis sapos yumi laik lukim gutpela senis i kamap.

I gat bikpela wok i kamap tude long stopim pasin bi-

long paitim ol meri na pikinini. Yumi luksave long wok bilong ol komyuniti grup, ol meri na yut, ol sios, bisnis na han bilong gavman tu. Toktok ol i autim i go long pablik em i klia: sapos ol mama na pikinini i kisim bagarap bai famili tu i kisim taim bikos mama i no inap wok na lukautim famili. Long taim mama i no go wok, bai no gat kaikai na mani bilong lukautim famili. Na kampani o gavman dipatmen em i wok long en bai i kisim taim tu. Na stori i go moa yet olsem yumi olgeta i save lukim long strit o ples we yumi stap o we yumi wok. I luk olsem bai i winim planti yia moa bipo long dispela kain pasin i pinis.

Pasin bilong senisim tingting bilong narapela man o meri, em i no isi. Tasol yumi ol lain o jenereesen bilong tude i no mas surik long dispela bikpela wok bilong senisim tingting na pasin. Namba wan ples bilong stat em insait long famili yet. Yumi mas skulim ol pikinini man na meri tu long pasin bilong soim rispek. Mama na papa em namba wan eksampel bilong pikinini i lukim na bihainim. Orait dispela pasin i mas stap strong yet long skul. Tisa tu i mas skruim gen wok bilong skulim ol pikinini long soim rispek na luksave long rait bilong ol narapela pikinini long klasrum na long ples pilai na long taimol i lusim skul na go bek long haus.

Bilip bilong yumi ol Kristen i stap namba wan long

laip bilong yumi. Tasol planti taim, pasin bilong laikim na givim rispek i go long ol narapela manmeri i no save kamap ples klia. Yumi mas givim baksait long pasin bilong pait na kros na bikmaus na pretim ol meri na pikinini na ol arapela manmeri tu. Sanap strong long soim gutpela na stretpela pasin oltaim.

I gat lo i stap long stretim ol hevi. I gat ol polis i stap long holim ol lain i kamapim trabel. I gat Kristen pasin i stap long kolim bel nas topim yumi long kirapim kros na pait. Yumi luksave long ol dispela gutpela rot bilong kamapim belisi na bai ol pikinini bilong yumi tu i luksave na bihainim long laip bilong ol.

Laip long ol siti na ples tu i wok long senis hariap. Yumi sindaun wantaim ol pipel bilong narapela provins na tokples na kastom. Pasin bilong yumi long stopim hevi bilong paitim meri na pikinini i no wankain.

Olsem na mobeta yumi bihainim na strongim lo bilong gavman long stopim ol dispela pasin nogut. Yumi no ken pret long opim maus na tokaut sapos yumi lukim samting i no stret. Na bikpela wok bilong yumi ol papamama em long givim gutpela skul na stia long ol pikinini na arapela pipel tu, long abrusim dispela pasin nogut bilong paitim na bagarapim ol meri na pikinini. I no gat spes bilong ol manmeri i save mekim kain pasin olsem long komyuniti bilong yumi.

Indonesia na Australia stretim tok



egensim Australia bikos yumi pren bilong Australia long bipo yet i kami nap nau. Na i no gutpela pasin long hait na harim toktok bilong gutpela pren bilong yu, O'Niell i tok.

Foren Afeas na Imigresen opis i go pas nau long singautim mausman o Hai Komisina bilong Australia long toktok wantaim PNG Gavman long dispela bipo long bikpela kibung bilong ol minister i kamap long Australia long mun Desemba.

Yumi olgeta i save long yusim mobail fon na toktok long en. Sapos wanpela man o meri i hait na wok long harim ol toktok bilong yu long telefon em bai yu inap bel hat ya. Em samting yu inap kros tru long en.

Bikos presiden bilong Indonesia i bel kros, ol pipel bilong Indonesia tu i kros na

holim bikpela straik long Jakarta siti long las wik i kam. Ol i kukim plak bilong Australia.

Sapos dispela kain pasin bilong hait na stilim ol toktok bilong ol lida bilong yumi bin kamap bipo inap nau, yu tingim wanem samting yumi inap mekim na kamapim gut. Bikos ol toktok na plen bilong yumi em ol arapela i harim pinis. Ol bai kam long kain kain rot long putim nus na intres bilong ol kam insait. Ol inap tu long toktok egensim sampela samting yumi laik kamapim we yumi ting bai bringim gutpela senis kam long yumi.

Long sait bilong praivet toktok, sapos yu laik toktok wantaim man o meri bilong yu long mobail fon na arapela lain i harim tu i stap, ol bai lap long yu bikos ol i save pinis long wanem samting yu pasim wantaim meri o man bilong yu.

Em samting bilong kros olsem na Australia Embesi long Mosbi i mas tokaut klia long Papua Niugini sapos dispela pasin i bin kamap long hia o nogat.

Papua Niugini i gat planti gol, kopa, oil na ges, timba,

kopi, kakao na arapela risos moa tasol olgeta mani no stap na kirapim kantri. Olgeta mani save go aut long bipo yet i kam. Yumi wok long kisim dinau na helpim bilong AUSAID, Niu Silan Aid na planti arapela helpim na dinau long ovasis. Ikonomi bilong kantri bai gro olsem wanem sapos ol man i harim na stilim pinis ol tingting na toktok bilong yumi.

Dispela pasin bilong hait na stilim ol toktok na ripot bilong arapela long telefon em bikpela hevi tru. Bikos Australia mekim kain pasin olsem pinis long Indonesia, em i mas tok klia sapos em mekim tu long Papua Niugini o nogat.

Yumi em liklik kantri we yumi no gat ol masin na save olsem long mekim kain hait na stil pasin olsem. Yumi no inap tu long luksave sapos arapela lain i bin mekim kain stil pasin pinis long yumi o nogat. Sapos kain pasin olsem i kamap pinis long PNG, hamas ol plen na ol bikpela toktok PNG laik mekim em ol ausait lain i harim gut tru



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga
Acting Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Bosnia



Liklik raunwara long ples i lus nating

Graun i bruk ananit long raunwara long wanpela ples long Bosnia i daunim wara na olgeta pis wantaim na ol plaua na diwai tu. Wanpela liklik rimot eria long Bosnia ples long Sanica i kirap nogut long painimaut olsem liklik raunwara bilong ol i lus nating na lusim bikpela hul i stap long graun.

Mi bin sindaun long hia wanpela de i go pinis dringim wiski bilong mi bipo dispela birua i kamap, Cemal Hasan i tokaut long Associate Press. Bihain nau mipela olgeta i kirap nogut long lukim ol pis i wok long kalap nabaut, na wanpela bikpela plam diwai i sut i go daun olsem wanpela han i hukum i go daun.



Inglan



Olpela pisin kam bek: Wanpela bus pisin i save stap long bus ples bilong i bin lus long 40 yia olgeta long Yorke Peninsula i kambek long bus ples bilong em gen. Ol i bin lukim gen dispela Bus Stone-curlew pisin long Yorke Peninsula Innes Nesanel Park bihain long ol i lus long dispela eria 40 yia i go pinis. Northern na Yorke Landskep Renja, Van Tuebner i tokaut tupela pak volantia, Gordon na Magaret i bin lukim dispela pisin tripela yia i go pinis. Ol i bin traim long painim ol dispela pisin long yusim ol kamera na rekotim ol singaut bilong pisin tasol no gat kaikai bilong en.

Nauru



Yunaited Nesen hai Komisina bilong Refuji (UNHCR) i kamapim toktok long sindaun bilong ol asailam sika husat is tap long Nauru na Manus Ailan ditensen senta. Long tupela ripot nogut, ol i singaut long Federel Gavman bilong Australia long no ken salim ol asailam sika na ol pikinini i go long ol dispela tupela ditensen senta. Ol i tok, Nauru tasol i bagarap tru, bikos ol rat i pulap tru na ples em i hot tru long senta. I no gutpela tru long salim ol famili pikinini i go long ol dispela tupela ples. Salim ol pikinini no gat was bilong ol tu i no gutpela tu, UNHCR bikman Richard Towle i tok.

Rome



Pop Francis i singaut long rausim pawa long Vatican

Photo: Pop Francis i autim ol dispela toktok long namba wan 'apostolic exhortation' wok bilong em. (Reuters: Ueslei Marcelino - file photo)

Pop Francis i autlainim misin stetmen bilong em na em, i toktok strong long pawa bilong Roman Katolik i noken stap tasol long Vatican tasol. Na tu, em i singautim olgeta katolik i mas wok bung na helpim ol tarangu na ol arapela lotu lain tu. Em i wok long sanap nau long narapela we na narapela lukluk, Pop Francis i tok, stap namel long sios tasol i wok long givim hatwok long sindaun bilong ol manmeri na papacy i no gat ansa long olgeta problem dispela wol i gat.

Australia



Taiga holim em: Man husat i save holim taiga na pilai wantaim em long ples ol i save lukautim ol enimal long Australia Kwinslen Sunshine Kos i kisim bagarap taim taiga i pilai strong long em. Ol i tok dispela Sumantra taiga i no laik long kaikaim em tasol em i laik pilai tasol long em na i givim bikpela bagarap long em. Man ya i stap long haus sik na em i orait. Long ai bilong planti manmeri i lukluk tasol taim taiga i kalap long em na kaikaim nek na solda bilong em na ol wokman long hap i kam na helpim man na rausim taiga. Ol tok man ya i save lukautim dispela taiga taim em i bebi



Rurel selsman Henry i grisim ol kastoma wantaim tos bilong hangamapim long het. Poto: James G. Kila

Rurel selsman gat stail long grisim kastoma

James G. Kila i raitim

OL RUREL selsman bilong stua samting i gat stail na we bilong tromoi toktok o Tok Pisin long grisim na pulim ol kastoma long baim samting ol i salim.

Arere long bikpela Ramu riva long Madang provins i gat ol liklik riva-sait maket i stap we ol manmeri husat i ran long moto-ran i save go stop na kisim malolo na baim samting long strongim bel.

Long sait long apa-Ramu we ol manmeri i save kisim moto-kanu long Banu bris na ron i go daun olsem long Simbai na Aiome, i gat maket we ol ples arere long wara i save salim samting.

Ol i save salim ol samting bilong kaikai olsem smok pis, saksak, flaua skon, bisket na tu ol arapela samting bilong stua tu long hap.

I no long taim i go pinis mi bin raun long Ramu riva, na skelim stail bilong ol rurel-selsmen long wanpela maket arere long Ramu na tru tru mi tok, ol lain ya em Tok Pisin em save kam gut stret long grisim ol kastoma.

Bihain long mi ran moto-kanu lusim Mundip na i go daun i gat wanpela riva-sait maket i stap, we ol lain i ran long moto-kanu i save stop.

Long hap mi lukim wanpela rural sels-man nem blong em Henry i mekim save long singaut na toktok wantaim na grisim ol ples manmeri long baim ol samting bilong em. "Ol i kam, ol i kam lukim ol naispela kala."

Long dispela taim Henry i salim sampela bum-boks bilong pilai musik na ol song long en, na kain tok gris em i tromoi em kam wantaim stail stret.

"Las bum-boks stap, las wan las wan. Yu baim em yu kisim fri memori kad wantaim ol naispela gospel song i stap long en."

Long wankain taim tu, Henry i pilaim bum-boks na song i pairap na em i mekim sels blong em na planti lain i go bung long harim naispela lokal gospel musik i kamap long bum-boks.

"Yupla harim pinis, kain gospel musik bai kliaim tingting bilong yupela long dispela de long wokabout stret wantaim belisi" Henry i mekim save long toktok, na musik i pairap yet.

Henry i tokim ol kastoma arere long Ramu riva olsem ol bum-bokis em i salim long K70 tasol wantaim fri memori kad wantaim ol song insait.

"Yupela no inap painim kain musik olsem long bum-boks yu baim long stua long taun. Mi ya bata Henry tasol i reko-tim ol songs long givim naispela filings bilong gospel musik long yupela."

Henry i tokim Wantok olsem em i save go long Lae na baim ol stua saplai bilong em na go olsem long Banu bris na bihain kalap long moto-bot na mekim ol sels bilong em long ol riva-sait maket.

Em i tok em i save mekim gutpela profit bikos em baga-man long bringim sevis i go long stua bilong ol Ramu riva manmeri.

Ol Ritel Outlet lain!

Salim moa pepa na win olgeta wik!!

Ol Kep

Sapos yu salim,

Ol bilak Kola siot

Ol marun Kola siot

Ol blu Kola siot

Ol Ambrela

Sapos yu salim olgeta Wantok Niuspepa insait long stua o auflet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction
 - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack
 - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim
 - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:10pm - Avinun cruz
 3:05pm - YU TOK - komiuniti awenes program
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN
 - YUMIFM NIUS Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

THE PARTY CAPITAL PRESENTS
10PM SATURDAY 30TH NOV

BIG MOUNTAIN
 LIVE HITS 'BABY I LOVE YOUR WAY',
 'I WOULD FIND A WAY', 'CARRIBEAN BLUE',
 'GET TOGETHER', 'LOVE IS THE ONLY WAY' & MORE

The Gold Club

WITH PNG IDOL ACT BY HOOL BARIO

Members free entry with your 2013 Gold card, Non-members K50

Bik Maunten Ben bai kam long Mosbi

WANPELA biknem ben bilong Amerika bai kam long Pot Mosbi na pilai wanpela nait tasol long Lamana Gol Klap.

Dispela ben i gat nem long ol reggae musik long wol na Papua Niugini tu. Big Mountain ben bai kam na pilai long Lamana long namba 30 de bilong dispela Mun Novemba.

Ol singsing olsem *Babby I love your, Carribean Blue, Get Together* na planti moa ol feveret singsing.

Planti ol musik manmeri husat i save bihainim singsing bilong dispela ben, bai pulim lain i go lukim ol i pilai laip long stej.

Na i no dispela ben tasol bai pilai long Gold Club, long Friday nait bai gat laip musik tu bai kam long wanpela grup bilong Wes Papua bai pilai wantaim Telek na Twin Trabes.

Ol lain save bihain musik bilong Telek na Twin Trabes bai gat sans long lukim ol pilai laip na tu lukim ol ben bilong Wes Papua bai pilai musik bilong ol. Dispela ol Wes Papua ben i wok long pilai raun long helpim kantri bilong ol kism Indipendens bilong ol yet.

Olgeta Krismas na Nupela yia, Lamana Hotel save kism ol ben o musik manmeri long i long kam pilai long amamasim ol kastoma bilong ol long pinisim olpela yia.

Putim was tasol nogut Lamana bai kism wanpela ben i kam long welkamim nupela yia 2014.

EMTV Television Guide

FONDE NOVEMBA 28, 2013

4:30 AM G **AUSTRALIAN NETWORK**
 5:00 AM G **JOYCE MEYER - 1054-4**
 5:30 AM G **EMTV NEWS REPLAY**
 6:30 AM G **TODAY**
 9:00 AM G **Classroom Broadcast**
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G **KIDS KONA**
3.30 PM HI 5 - S7 EP#47/47(F)
4:00 PM GOT TO GO Ep#18/20
4:30 PM PYRAMID S1 - EP#2/52

5:00 PM G **THE SHAK Series 2 Ep#13/75**
 5:30 PM G **TRAPPED YR.2 CASTAWAY EP#4/26**
 6:00 PM G **EMTV NATIONAL NEWS**
 7:00 PM G **RAIT MUSIK EP#190**
 8:00 PM G **RESOURCE PNG EP#99**
 8:50 PM G **SOKA XTRA EP#100**
 9:00 PM G **HOT SPOT EP#43**
 9:30 PM PG **ELITE MUSIC ZONE EP#43**
 10:00 pm G **NEWS REPLAY**
followed by the Australia Network
FRAIDE NOVEMBA 29, 2013
 4:00 AM G **AUSTRALIA NETWORK**
 5:00 AM G **JOYCE MEYER - 1054-5**

5:30 AM G **EMTV NEWS REPLAY**
 6:30 AM G **TODAY**
 9:00 AM G **Classroom Broadcast**
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G **KIDS KONA**
3.30 PM HI 5 - S8 EP#1/44
4:00 PM GOT TO GO Ep#19/20
4:30 PM PYRAMID S1 EP#3/52
 5:00 PM G **THE SHAK Series 2 Ep# 14/75**
 5:30 PM G **SKIPPY THE BUSH KANGAROO**
 5:55 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **IN MORESBY TONIGHT - Ep#41**
 7:30 PM PGR **MODERN FAMILY YR.3 - EP#15**

8:00 PM PGR **MODERN FAMILY YR.3 - EP#16**
 8:30 PM PG **FRIDAY NIGHT MOVIE**
 10:30 PM G **EMTV NEWS REPLAY**
 followed by the Australia Network

SARARE NOVEMBA 30, 2013

4:30 AM G **AUSTRALIA NETWORK**
 6:00 AM G **EMTV NEWS REPLAY**
 7:00 AM G **IN HIS STEPS EP#12**
 7:30 AM G **ULTIMATE GUINNESS WORLD**
 8:00 AM G **YOGA SUTRA Ep#36 Rpt.**
 8:30 AM G **AMAZING SPIES - EP#1 Rpt....**
 9:00 AM G **ESCAPE FROM SCORPION**
 9:30 AM G **TRICKY TV**
 10:00 AM G **TRAPPED YR.2 EP#**
 10:30 AM G **SKIPPY - THE VETERAN Rpt.**

11:00 AM G **AUSTRALIA NETWORK**
 5:30 PM G **OLSEM WANEM Ep#43**
 6:00 PM G **EMTV NATIONAL NEWS**
 6:30 PM PGR **HOW TO LIVE**
 7:00 PM PGR **NEW GIRL S1 EP#9/24**
 7:30 PM PGR **WHITE COLLAR YR.3 EP#9/16**
 8:30 PM G **RAIT MUSIK REPEAT...EP#190**
 9:30 PM G **HOMELAND S2 - EP#8/12**
 10:30 PM G **NATIONAL EMTV NEWS REPLAY**
 11:00 PM G **R WORLD CUP -GRAND FINAL**
SANDE DESEMBA 1, 2013
 3:30 AM G **AUSTRALIA NETWORK**
 6:00 AM G **EMTV NEWS REPLAY**
 6:30 AM G **IT IS WRITTEN**
 7:00 AM G **HILLSONG - 878**

TORO



BIABIA



KANAGE



TOKWIN

Haus-sel bilong Chief Yama pulap long Madang taun

Stori i kam long Madang i tok Pipols Leba Pati (PLP) lida, Peter Yama em ol sapota na strit manmeri long Madang i save kolim em olsem "kwila blong Madang". Sif Yama nau i laik soim stret strong bilong em long kempen long Madang bai-

ileksen na i sanapim ol sel-haus bilong em long kempein long planti strit na setelmen long Madang taun. Long Nu Taun eria em sampela haus-sel tu i stap long wanem hap long go sindaun na harim toktok. Em i resis long bokis namba 27, na bikpela eria bilong ol sapota bilong em long kibung em arere tasol long Smugglers Inn Hotel bilong em we olgeta de taim kem-

pein i stat i kam inap nau em ol manmeri i save pulap tru long hap. Dispela strongpela man i salensim brata bilong em Anton Yagama long Usino-Bundi na i lus, na nau em i traim strong bilong em ken long Madang Open bai ileksen. 18-pela kenidet i resis long bai-ileksen na planti long ol dispela kenidet i wok long tokim ol manmeri olsem ol i "hot" na planti lain i paul tu husat tru em "Kol"....

Tokwin Tasol...

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go. Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom. Yumi ken rausim tu tripela bokis daunbilo tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom. Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom. Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE

	7	9				1
2	3	8			6	7
	6		2	7		
7	8	5				
5	2	6		3		
		1		9	5	
	6	3		8		
8	4			9	2	1
2				1	3	

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

Ansa bilong las wik SUDOKU 21

3	8	2	1	5	7	6	4	9
4	5	9	8	6	2	1	7	3
1	7	6	3	9	4	2	5	8
8	1	3	6	7	9	4	2	5
6	2	5	4	8	1	9	3	7
9	4	7	5	2	3	8	1	6
5	9	1	2	3	8	7	6	4
2	6	8	7	4	5	3	9	1
7	3	4	9	1	6	5	8	2

1	9		8				5	
	6	3			2		4	
			1	3		2	9	
		1			3		7	
7			5	6	9		2	
2			7			5		
	2	6		9	7			
	1		6			4	7	
	7				5		2	3

Ansa bilong SUDOKU 22 long neks isu.

EMTV Television Guide

Time	Program	Time	Program	Time	Program
7:30 AM G	JOSEPH KINGAL MINISTRIES	4:00 AM G	AUSTRALIA NETWORK	6:00 PM G	EMTV NATIONAL NEWS
8:00 AM G	YOGA SUTRA Ep#37	5:00 AM G	JOYCE MEYER - 1054-1	7:00 PM G	HAUS & HOME Ep#42
8:30 AM G	BUSINESS PNG# 47 Rpt.	5:30 AM G	EMTV NEWS REPLAY	8:00 PM G	BUSINESS PNG - Ep#45
9:00 AM G	MARTIN MYSTERY - Ep#18	6:00 AM G	TODAY	8:30 PM G	OFF THE MAP - Ep#7/13 -
9:30 AM G	OLSEM WANEM- Ep# 36 Repeat	9:00 AM G	DAY 5	9:30 PM G	EMTV NEWS REPLAY
10:00 AM G	RESOURCE PNG - Ep# 99		CRICKET - THE ASHES TEST 1	followed by the Australia Network
11:00 AM G	CHEF & HIS BETTER HALF	12:00 pm G	CRICKET SHOW EP#5	5:00 AM G	JOYCE MEYER - 1054-3
11:30 AM G	COOKING ISN'T ROCKET SCI	12:30 PM G	DAY 5 CONTINUES....	5:30 AM G	EMTV NEWS REPLAY
12:00 PM G	AUSTRALIA NETWORK	5:00 PM G	THE SHAK S2 EP#10/75	6:30 AM G	TODAY
5:30 PM G	DEEP WATER EP#3	5:30 PM G	AMAZING SPIES		TRINDE NOVEMBA 27, 2013
6:00 PM G	EMTV NATIONAL NEWS	5:55 PM G	CRIME STOPPERS	5:00 AM G	JOYCE MEYER - 1054-3
6:30 PM G	RWORLD CUP - GRAND FINAL -	6:00 PM G	EMTV NATIONAL NEWS	5:30 AM G	EMTV NEWS REPLAY
8:30 PM G	TOK PIKSA EP#46	7:00 PM G	SECRET MILLIONAIRE - USA S1	6:30 AM G	TODAY
9:00 PM G	60 MINUTES	8:00 PM PG	HOMELAND S2	09:00 AM	Classroom Broadcast
10:00 pm MAO	SUNDAY NIGHT MOVIE	9:00 PM G	COCA-COLA SPORTS SCENE EP	9:00am	Grade 7 Mathematics
11:30 PM G	HILLSONG Rpt. ...	9:30 PM G	EMTV NEWS REPLAY	9:50am	Grade 7 Science
12:00 AM G	EMTV NEWS - Replay			10:40am	Grade 8 Mathematics
followed by the Australia Network			11:20am	Grade 8 Science
				1:00pm	Grade 6 Mathematics

Ol Progam na Kilok i ken tenis oltaim...

Wiken poto



LUKAUTIM MANI LAIN: Ol akaunten na ol woklain bilong Benk long wanpela konprens bilong ol long Gateway Hotel long Mosbi. Hia ol i kisim ol pepa i gat ol toktok long bikpela benk long PNG na Saut Pasifik, em BSP Benk. *Poto: Nicky Bernard*



STRETIM PALAMEN: Palamen em namba wan hausbilong kantri na em i mas stap long gutpela mak olgeta taim. *Wantok Potografa, Nicky Bernard* i kisim dispela wokman bilong L&A i stretim ol tails long ples bilong putim kar bilong Palamen.



OFA: Sampela Katolik mama i kisim kaikai i go long ofa long lotu bilong pinisim Yia bilong Bilip i bin kamap long Mari Bareks, Pot Mosbi las wik. *Poto: Nicky Bernard*

Raun wantaim Kanage olgeta wik

Amigo, yu win!
KANAGE i sindaun long varenda long haus na kaikai buai i stap. I no long taim em lukim dokman bilong em, Amigo, i wok long pilai wantaim narapela dok i stap. Em sindaun isi na wok long skelim dok bilong em. Taim Amigo i kis long narapela dok, Kanage i tok, 'Em mi save'. Taim Amigo i ron raunim narapela dok, Kanage i tok, 'Em mi save tu'. Na taim Amigo i stap long klaud 9, Kanage daunim spet isi na tok, 'Ah Amigo! Em i orait. Long dispela tasol em yu winim mi!'

Willie Anton Wewak

Faktori i no bagarap yet
LIKLIK susa bilong misis bilong Kanage i wok long holim bebi bilong Kanage wantaim misis bilong em na wok long tromoi em i go antap na kam daun. Kanage sindaun kaikai buai i go na i no stret long ai bilong em na em kirap tokim tambu bilong em: 'Ating, mi les long toktok. Sapos yu asua, mi bai brukim kastom bilong ples. Na sapos komplek i kamap, yu wantaim susa bilong yu i ken toktok na stretim'. Tambu bilong Kanage harim olsem na em kirap



tokpilai long Kanage, 'Ankol no ken wari, faktori i no bagarap yet'. Kanage skelim tokpisin bilong tambu bilong em na em tokim em, 'Em yu yet nau. Sapos yu ting olsem ol masin long sait bilong yu i wok gut, orait, yu ken kamapim birua!'

Big Bird 9 Citi

Refrens musik
WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol refrens musik bilong ol, na ai bilong mi laik slip nau." Ol wantok bilong em harim olsem na

kaikaim graun. Bikos Kanage i laik tok feveret na em i abrus na tok refrens.
George Mango Sandaun Kem- Sepik

Man bilong stretim hevi
PAPS Kanage em wanpela man bilong painim meri. Wanpela taim em i sindaun na gris wantaim ol yangpela mangi i stap. Ol i stori i go na Kanage tokim ol mangi, "Las taim mi go long Boro, insait long Madang, mipela i bin go stretim wanpela hevi. Man, mi stretim hevi bilong meri ya i go bik moning na mi kisim bikpela taim stret". Paps Kanage lusim ol mangi na em wokabout i go long haus. Long rot em bungim wanpela mama na mama ya tokim em, "Kanage, sampela toktok bilong yu i stap wantaim mi. Wanpela meri i salim i kam". Kanage hetwin na tok, "Aiyoooo! Maski mi wanem kain man olsem ya. Yupela kisim naip na katim nek bilong mi na bai mi dai. Taim mi dai, bai olgeta pren meri bilong mi long olgeta ples bai bung na krai long mi!"

TDS Tor Angoram

Ol skwat! Teksim ol gutpela Kanage tok pilai i kam long:
Txt: 72356149

Sevis i no go long ol pipel long ples

Dia Laipain,
MI WANPELA yangpela man i gat 30 krismas na mi bin pinisim Gret 12 long wanpela Nesene! Haiskul long kantri 5-pela yia i go pinis.
Mi no bin laik painim wok o skruim skul bilong mi i go moa yet, tasol mi bin go bek long ples long helpim famili bilong mi long wok long graun bilong mipela.
Tru, ples bilong mi i stap long rurel eria longwe long taun, tasol mi amamas long mekim ol samting long ples na stap wantaim ol pipel bilong mi.
Wari mi gat long en em mi wok long harim planti toktok long daunim kram, HIV/AIDS na ol sevis i go long ples, na ol narapela i kam long gavman, ol NGO, ol sios na ol narapela stekholda. Long mekim dispela ol samting, ol i save holim ol woksop na konprens insait long ea kondisen hotel rum na risot olgeta yia.
Wari bilong mi em wanem taim bai ol ples i kisim ol sevis, na tu, wanem taim ol bai holim ol kain konprens olsem long ples na pipel i ken go insait long ol?

CONCERNED YOUNG MAN

Dia Concerned Young Man,
Mipela i amamas olsem yu rait i kam long Laipain long serim wari bilong yu wantaim mipela long ol samting i ken kamapim gutpela samting o hevi long laip na sindaun bilong pipel long dispela kantri. Mipela i luksave olsem yu makim maus bilong ol lain long ples na tu long taun na yu autim dispela wari. Mipela i amamas long yu go bek long ples long stap wantaim ol pipel na bungim ol hevi wantaim ol long ples longwe.
Pren, mipela i sapotim yu long wok yu mekim long ples na bilong yu long skruim i go moa yet. Mipela i luksave olsem em i no isi long husat i pinisim Gret 12 long go bek long ples na painim samting long em i amamas long



mekim. Yu no tokim mipela stret wanem samting yu mekim long ples, tasol i luk olsem yu amamas long samting yu mekim i stap.
Sapos yu stap amamas long ples, yu ting em i gutpela aidia long ol narapela skul liva i go bek long ples na helpim pipel bilong ol? Mipela i bilip em i taim nau long ol yangpela pipel long bihainim samting yu mekim long kamapim senis long ples.
Mipela i lukim daunim ol trabel, HIV/AIDS na lukim olsem gutpela sevis i go long ples bai kamap sapos ol yangpela olsem yu i strongim tingting na i laik mekim ol samting bai wok gut long helpim pipel bilong yumi.
Mipela i ting olsem i moabeta sapos yu redi long rurel ples bilong yu na yu singaut long helpim, ol bai harim nek bilong yu long maunten i go long ol nambis ples na ol ailan. I moabeta yu askim ol gavman lain, ol stekholda, ol NHO, na ol sios long kam na harim yu. Yu ken tokim ol tu long no ken holim ol konprens na bung long ol motel, hotel na ol risot tasol, raun i go long ol ples na toktok long pipel. Tokim ol long no ken mauswara nating tasol putim mani long ol eria we ol i mas helpim long kamapim gutpela sevis na go toktok long ol pipel long ol rurel ples.
I gat tripela level bilong gavman i stap na em long 1- Nesene!, 2- Provincial na 3-Lokal Level Gavman (Distrik) i mas kisim sevis i go long ples.
Yu kam stret aninit long kaunsila husat i makim pipel. Wok klostu wantaim em long kisim ol sevis i go long pipel. Nau gavman i wok long ples bilong 50 yia i kam bai wok long aninit level (bottom up) i kam antap na yu ken serim ol aidia long wanem i gutpela long ol pipel na ol bai wok wantaim yu. Yu gat ol ilektet memba i gat ol EDF fan bilong pipel na ol i givim aut dispela manimak i go long ol provins

long mekim ol wok. Painimaut moa long dispela.
Pren, sapos ol i no kam long yu olsem, yu stretim wanpela degesen o grup long lukim ol lain long atoriti long mekim samting. Laipain i save olsem sampela Palamen memba i mekim samting long kisim sevis i go long pipel bilong ol i go olgeta long ol rurel eria. Sapos sampela i mekim samting i kamap, watpo na ol narapela i no inap? Ating i moabeta long rausim ol dispela memba i no wokim samting long helpim pipel. Yu ting olsem wanem?
Pren, mipela i bilip olsem yu mekim stretpela samting na i moabeta long serim dispela wantaim ol narapela yangpela pipel i bin skul na i gat save olsem yu.
Mipela i lukim olsem sapos no gat man i mekim samting, ol samting i no inap wok gut. Mipela i bilip olsem ol dispela i stap long atoriti i no wokim samting stret bai kisim taim wanpela de. Ritim Buk bilong Amos, Sapta 5 ves 11 "Yu bagarapim ol tarangu lain na stilim ol kaikai bilong ol. Olsem na bai yu no inap stap long gutpela haus yu bildim o dringim wain long naispela wain gaden yu bin planim."
Wanpela samting em, makim ol gutpela lida long taim bilong ileksen. Planti lida i no save bisi long ol ples lain na em i hat long save watpo pipel i save givim vot long ol. Yumi pipel tu i mas kisim kikkbek (blame) long givim vot long ol rong lida. I moabeta yu kari-maut awenes long eria bilong yu na pipel i ken givim vot long ol lida i gat stretpela pasin.
Pren bilong yu Laipain
Sapos yu gat wari o hevi, rait i kam long dispela edres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Ol Kopi ekspota i winim ol groa

Sape Metta i raitim

WOK bilong groim kopi em i no isi, na ol kopi groa i save kisim taim stret long mekim planti hatwok long kamapim gutpela kopi.

Tasol dispela ol groa i no save lukim gutpela kaikai i kamap long ol hatwok ol i save mekim. Planti ol namel man i wok long kisim bikipela profit o winmani long hatwok bilong dispela ol fama na kopi groa.

Wanpela papagraun, lidaman na kopi fama long Goroka, Isten Hailans, Francis Warigiso i toktok strong long rausim ol namel man husat i save wokim bikipela bisnis long kopi bilong ol fama na kopi groa.

"Bikipela hatwok em ol fama na groa i save mekim

long kopi, olsem na gavman i mas lukluk long kamapim sampela gutpela rot long helpim dispela ol hatwok fama na groa husat i papa tru bilong kopi. Na i no ol man nabaut," Mista Warigiso i tok.

Em i tok, taim ol namel man wokim bikipela bisnis long kopi, ol fama na groa husat i save mekim planti hatwok long kopi i wok long kisim taim.

"Mipela ol lokel fama na kopi groa i luksave tu olsem ol bikipela kopi ekspot kampani husat i kisim tok orait long kopi Industri Koporesen (CIC) na ranim bisnis long kopi bilong mipela, ol i wok long gro na kamap bikipela tru. CIC i kamapim agrimen tu wantaim Wol Benk bilong kisim mani bilong ol fama na groa. Tasol ol askim long ep-

likesen bilong CIC na Wol Benk bilong kisim helpim em i hat tru, long wanem, mipela i no nap long mitim dispela ol fi na skim," Mista Warigiso i tok.

Em i tok, Nesanel Developmen Benk em i stap tu long givim helpim, tasol askim bilong ol tu i wankain olsem bilong CIC na Wol Benk. Tru tumas ol lokel fama na groa i nidim tru helpim, tasol rot bilong ol long kisim helpim em i hat tru.

Olsem na ating em i taim nau long ol i mas kirap na toktok strong long rait bilong ol long ol hatwok em ol i save mekim long wok bilong kopi. Na gavman mas kamap wantaim gutpela tingting nau long kamapim wanpela benk long helpim na givim servis long tarangu ol kopi fama na groa.

PNG i soim rot long Pasifik

PAPUA Niugini i gat gutpela na strongpela polisi bilong groim ikonimi insait long Pasifik. Ol Pasifik Ailan kantri i luksave long dispela na amamas long wok bung wantaim PNG long kisim helpim.

PNG Tresari Minista Don Polye i tokim wanpela bikipela kibung bilong ol Tresari minista long Pasifik long Vanuatu olsem gutpela polisi na strongple gavman bai helpim bisnis invesmen long gro.

Mista Polye i tokim ol wanwok minista bilong Tresari insait long Pasifik olsem PNG i wok strong long kamap midel

inkam kantri long 2030. Em tok kantri i wok strong long bungim visin 2050 we wanpela gol em long groim strongplea ikonimi.

Minista Polye i tok Politikel stabiliti em wanpela bikipela samting i pulim ol investa i kam mekim bisnis insait long kantri.

Mista Polye i tokaut pinis olsem em i lukluk long kamapim polisi taim em stap siaman bilong Wol Benk na IMF na kamapim Globel infrasatraksa Fan long putim sampela mani long ol liklik diveloping kantri long kisim

helpim long taim bilong naturel disasta.

Mista Polye i tok ol kantri insait long Pasifik i mas wok bung wantaim long sapotim ol yet long wok bisnis long strongim ikonimi bilong ol.

Minista Polye i tok moa olsem wan wan kantri long pPasifik i mas yusim mani gut. Em i tok sapos gavman i no yusim mani gut bai lukim bisnis na mani long dispela kantri bai pundaun na ol pipel bai kisim taim long baim ol samting taim strong bilong karensi i pundaun agensim mani bilong ol arapela kantri.

Nesanel Brodben Netwok bai senisim Infomesen Teknologi

PAPUA Niugini Infomesen Komyunikesen Teknologi (ICT) Industri bai lukim bikipela senis wantaim wok bilong gutpela Nesanel Brodben Netwok (NBN).

Bosa Togs, Menesa bilong Bisnis Solusen bilong Telikom PNG, i bin mekim dispela tok tok long taim PNG Kompiuta Sosaiti Enuel Semina. Misis Bosa Togs i tokim ol lain i stap long semina olsem rolaut bilong NBN bai senisim wok mak bilong ICT, bilong wanem, ol bisnis bai i nidim ol bisnis analisis, ol lain bilong developim mobail aplikesen

taim planti moa oganaisesen na kampani i laik mekim bisnis long intanet tasol.

Em i tok, taim brodben wantaim gutpela spit i kamap, ol lain bilong bisnis tu bai i singaut long helpim long ol wok bilong intanet na tu long ol save long wok wantaim ol bikipela senis.

"NBN bai kamapim moa spes bilong wok long ICT long dispela rijon na tu bai i go insait long ol oganaisesen we i no save wok long intanet bipo, olsem helt sekta, egrikalsa na ol ritel stua," Misis Togs i tok.

Samaritan Eviesen kisim nupela embulans

PRAIM Minista Peter O'Neill i givim ki bilong wanpela nupela Toyota Lendkrusa (10-sita) i go long Mark Palm, man i statim Samaritan Eviesen long Wewak, long las wik Fraide.

Samaritan Eviesen em i wanpela Kristen organaisesen i save kisim helpim long Amerika na Is Sepik Provinsal gavman long bringim helt servis na imejensi ivekuesen long ol ples i stap longwe tru insait long provins.

Mista O'Neill i tok, gavman i luksave long gutpela servis Samaritan Eviesen i save givim long ol pipel bilong Is Sepik na em i gat bikipela tenkyu long dispela.

"Nau Samaritan Eviesen i ken karim ol sik lain na ol mama i gat bel long balus i

kam long ol longwe ples i kam long Boram ples balus na i go kwiktam long Boram Haus sik" Mista O'Neill i tok.

Long wanpela wokabout bilong em i go long Wewak pastaim, Praim Minista i bin harim olsem Samaritan Eviesen i no gat embulans olsem na taim ol i save kisim ol sik lain i kam long Boram ples balus, ol i save tokim ol long painim kar bilong ol yet i go long haus sik. Ol i baim dispela embulans aninit long mani bilong komyuniti development fan bilong gavman.

"Gavman i amamas na tenkyu long gutpela wok yupela i save mekim long sevim laip bilong ol lain long Is Sepik, olsem mi tok tenkyu long yu na famili bilong yu long gutpela wok tru yu mekim," em i tokim Mista Palm.

Em i givim salens long ol tesian institusen long senisim ol skul karikalam bilong ol long kamapim ol sumatin husat bai i ken disainim, karim aut na lukautim ol malti midia aplikesen na servis yumi nidim long bringim NBN i go insait long bisnis na komyuniti.

"Nesanel gol bilong NBN em i go wantaim Visen 2050 bilong gavman, olsem na olgeta lain i mas tingim ol pipel na wok bung wantaim long kamapim dispela nesanel gol insait long gavman na bisnis patnasip na kamapim gutpela teknologi.

**ADB
helpim
Milen Be
Helt servis**

NESENEL Dipatmen bilong Helt, Milen Be Provinsal Helt Atoriti na Esia Developmen Benk wantaim Australia Aid i bung long brukim graun bilong wokim wanpela komyuniti helt pos long Bubuleta, long Tunde.

"Milen Be Komyuniti Helt Pos em namba wan bilong planti moa helt pos dispela projek bai kamapim, na mipela amamas long givim gutpela helt ke servis long Bubuleta komyuniti," Xianban Yao, Dairekta Jeneral bilong ADB, Pasifik Dipatmen i tok.

Bihain long seremoni, olgeta opisel i bungim na toktok long 1,200 pipel bilong Bubuleta Komyuniti. Bubuleta em i stap long Not sait bilong ol nambis bilong Milen Be. Inap long 30 krisimas, dispela komyuniti i save kisim helpim long wanpela liklik, olpela etpos tasol. Ol lain i kisim bagarap ol bikipela sik em ol i save wokabout 35 kilomita long go kisim helpim long Alotau Jeneral Haus Sik.

Dispela projek em i bilong stretim ol helt klinik na etpos na tu long stretim haus bilong ol helt woka, baim ol marasin na samting bilong wok na baim ka bilong helpim ol wokman na sikman. Ol woklain bilong rurel helt klinik na helt senta i kisim trening long lukim ol mama bel na ol sik pikinini na HIV/AIDS. I gat tok skul na awenes long senitesen, na jenda tu i kamap long ol komyuniti. Dispela em i kam aninit long Rurel Praimeri Helt Servis Deliveri Projek.

Em bai strongim rurel helt sistem wantaim ol lain i ranim ol helt servis ausait long gavman helt servis long tupela distrik bilong Milen Be, Isten Hailans, Is Sepik, Enga, Westen Hailans, Wes Nu Briten, Morobe Provins na Atonomus Rijin bilong Bogenvil.



Siaman bilong Wol Benk Grup and IMF Don Polye wantaim (fest lain long 6 ples) IMF Deputi Menesing Darekta Min Zhu, Praim Minista bilong Vanuatu Moana Carcasses Kalosil I sanap long Pot Vila.

Kantri bai salim namba wan ges long 2014

Stanley Nondol i raitim

ESSO Highlands, projek divelopa bilong PNG LNG Projek i tokaut olsem LNG projek i ran gut long taim na kantri bai salim namba wan ges i go aut long wol maket long Jun /Julai 2014.

ESSO Highlands em i han bilong Exxon Mobil na i mekim mwok wantaim US\$ 19 bilien. Em i gat bikipela bilip long wok bilong projek bai pinis long taim stret .

Menesing Dairekta bilong kampani, Peter Graham i tokim ol nius manmeri olsem 90 pesen bilong wok konstraksen i pinis long ol projek eria na olgeta wok redi i kamap gut na bai pinis long taim ol i makim long en.

Mista Graaham i tok tupela wel bilong projek i redi pinis long kisim ges.

Mista Graham i tok dispela

em i bikipela wok tru kamapni i mekim na tok dispela em gutpela nius bilong kantri long wok bisnis.

Mista Graham i tok 3.2 kilomita Komo ples balus long Hela Provins em nara-pela bikipela wok tru i bin pinis long taim. Bikipela kago balus bilong kantri Russia , Antroni i pundaun pinis long Komo wantaim lod ol bikipela masin na samting bilong wok .

Mista Graham long amamas toktok bilong em long pinis bilong projek i tok, PNG ples em i pulam long maunten, bikipela tait wara, lek na raun wara tasol kampani i pinis wok long taim long salim ges go aut long wol maket.

Em i tok planti ol bisnis haus i kisim gutpela sevis long taim bilong konstruksen bilong PNG LNG projek.

Mista Graham i tok klsotu

long K10 bilien bilong konstruksen i go long kamapni bilong ol apapagraun.

Mista Graham i tok planti bilong ol papagraun kamapani i kisim wok konstruksen na kamapni bilong ol i gro long bisnis na ol i ken go het na mekim moa wok bisnis.

LNG em wanpela bikipela projek we ol pipel i tokotk palnti long bikipela mani bai kam insait long kantri.

O'Neill gavman tu lukluk long dispela projek long pulim bikipela winmani i kam longbekim bikipela dina bilong kantri na tu apim baset bilong kantri i go antap wantaim winmani.

O'Neill gavman i tokaut olsem em i mekim dinau baset na tu i gat planti dinau na gavman i lukluk long stretim ol dinqau taim kantri i salim nama wan ges go aut stat long namel bilong 2014.



LNG projek sait .

Westpac i gat nupela hetman

WESTPAC i welkamim nupela hetman bilong kantri. Mista Geoff Tonne i kisim makim olsem nupela hetman bilong kantri.

Mista Toone i kam wantaim bikipela save na eksperiens long wok bilong benk.

Em statim wok long Novemba 20 na benk i makim em long kamap lida na givim gutpela skul tok na stia long benk i ken gro long bisnis.

Em i gat bikipela save long

wok wantaim ol kastoma, komesel na institutsesal benking.

Mista Toone i lusim wok dairekta bilong SME na Mid-Maketing em long Australia Ekspot Fainens na Insurens Korperesen bihain long em bin kisim bikipela luksave long wok bilong em long Australia Nesenel Benk.

Jenerel Menesa bilong Westpac Greg Pawsaon i tok Mista Toone i gat bikipela

save long benking na fainens. Em i tok dispela save bilong em i ken helpim benk long gro long wok bisnis.



Nupela hetman bilong Westpac PNG- Geoff Toone.

WANTOK NIUSPEPA KRISMAS PROMOSEN, OL WINA BILONG DISPELA WIK ISSUE: 2047

1. RITEL STUA

- JMART SUPERMARKET – ERIMA
- JOHNSTONS PHARMACIES LTD – TOWN
- SVS SUPERMARKET – HARBOUR CITY

2. STRIT SALE AGENT

- GIDION NATHAN – KAVIENG
- CATHY MUI – LAE

Yes Yah ol Ridas bilong Wantok Niuspepa!

Painim Bal Resis i stat nau na bai yu gat sans long winim ol Promosen klos bilong Wantok Niuspepa! Resis i stap long pepa tude na traim laki bilong yu nau!

Hariap, nogut ol klos i pinis!!

Painim Bal Resis

Putim X insait long bokis yu ting bai i stap long en..

Eksampol: C5, long namet, Toksim i kam na traim laki bilong yu.

Baim Wantok Niuspepa olgeta wik na traim sans bilong yu!!

Wanpela wina tasol long olgeta wik!

Bai yu gat sans tru long winim ol Promosen klos bilong Wantok Niuspepa...

Resis bai stap inap long Disemba 2013

Teks tasol i kam long 7235 6149 wantaim ansa bilong yu na nem na adres bilong yu. Em isi tru!!!

Wanpela wina tasol long wan wan wik...

RABAUL TO CAIRNS getaways

PALM ROYALE CAIRNS	HIDES HOTEL CAIRNS	IBIS STYLES CAIRNS COLONIAL CLUB	CAIRNS PLAZA HOTEL	CORAL TREE INN
K1879*	K1919*	K1945*	K2185*	K2190*
PER PERSON	PER PERSON	PER PERSON	PER PERSON	PER PERSON

PACKAGE INCLUSIONS:

- > Return air fares RAB/CNS/RAB > 3 nights* twin share accommodation
- > Return airport transfers by Sun Palm Coaches > All taxes & surcharges.

Call toll free on **180 3444** or visit your nearest Air Niugini Travel Centre or Travel Agent for further details.

*Packages are subject to availability and change due to currency fluctuations. Packages are valid until 31st of March 2014. Conditions apply.



Ramu NiCo opim ai bilong arapela main long SETAC woksop

NIKEL na kobalt em nupela ol mineral em namba wan taim tru wanpela kampani olsem Ramu NiCo Menesmen (MCC) i kisim long graun bilong PNG.

Pastaim tru planti lain long PNG i no save long nikel na kobalt. Ol i save tasol long gol, silva na kopa bikos i gat ol maining projek bilong ol dispela mineral i stap pinis insait long PNG.

Olsem na wok o teknoloji long kisim na redim nikel long salim i go long ovasis long kisim mani em narakain liklik na tu em nupela tru we planti lain tu i no save tumas. Wankain tu em long sait long banisim ol birua i kamap long sait long envairomen em nrapela kain liklik na Ramu NiCo i gat planti kain teknoloji we em i yusim long banisim birua long kamap.

Ramu NiCo Koporet Envairomen tim i bin stap insait long wanpela bikpela woksop o kibung long Madang long stat bilong dispela mun na i opim stret ai bilong planti ol arapela maining kampani long PNG long tokaut long wanem ol teknoloji em i yusim long wok bilong lukautim na banisim envairomen long ol birua i kamap.

Dispela woksop em Society of Environmental Toxicology and Chemistry (SETAC) i kamapim.

SETAC em wanpela bikpela ogenaisesen long wol na i stap long ol rijon olsem Afrika, Asia/Pasifik, Yurop, Latin Amerika na Not Amerika. Em wanpela ogenaisesen we i no save mekim mani na i gat moa long 6,000 memba i kam long ol yunivesiti, bisnis na gavman.

SETAC i save kamapim ol kibung o woksop we ol saintis, menesa na ol saveman i save serim tingting na senisim aidia i go kam long stadi, wok painimaut na tu wanem rot ol ken luksave wantaim long sait long daunim birua i kamap long bus, graun na wara, menesmen na lo bilong ol netsurel risoses, risets na development na envairomental edukesen.

Ol Ramu NiCo Helt, Sefti na Envairomen (HSE) Koporet lain husat i go long dispela woksop em HSE Deputy General Manager Johnson Chen na ol HSE opisa Philip Atio, Steve Opur na Jennifer Goari.

Wanem samting ol lain HSE wok lain i soim na tokaut long ol arapela lain i mekim ol i guria stret bikos planti i no save tumas long wok bilong nikel na kobalt na wanem kain rot o banis em Ramu NiCo i yusim long envairomen monitoring bilong en bihainim Envairomen Plen Dipatmen ov Envairomen na Konvesesen i givim na tu 20-pela sab-plen long Operesen Envairomen Monitoring Plen (OEMP)

Dispela SETAC Australiasia kibung long Madang i lukluk long ol plen na rot long glasim ol birua i kamap long win, graunm wara na ol rot long kisim kaikai long PNG. Het tok bilong dispea forum em : "Kamapim na strongim wok blong lukautim mama graun, wara, bus, na solwara". "Sekim



Ol lain bilong PNG maining industri long SETAC woksop long Madang.



Ol saintist na Ramu NiCo saveman i traim long trumai masin long kisim solwara ananit lo glasim solwara bilong Raikos.



Ol lain opisa bilong Ramu NiCo long SETAC Forum.

Kemikel long mama graun."

Ol lain husat i bin bung long dispela woksop i kam long Australia na ol maining kampani long PNG olsem Morobe Maining Joint Vensa (MMJV), Ok Tedi, Porgera, Barrick Kainantu, Oil Search, Unitech Risets Sumatin, National Analytic Testing Services Laboratory Lae (NATSL), BMT WBM Australia, Gold Allies Australia, Hydrobiology Australia, SETAC Australasia, Monroe Mortimer na Ramu NiCo Management (MCC) Limited. .

Ol ausman bilong ol lain long arapela main long PNG i toktok long wanem wok ol i wokim long sait long envairomen monitoring na wanem gutpela wok ol i kamapim taim

Projek long hap bilong ol i stat i kam inap nau.

Mista Johnson Chen, husat em Deputi HSE Jeneral Menesa na HSE envairomen opisa, Philip Atio i makim Ramu NiCo long givim toktok na i givim liklik stori long wanem wok Kampani i kamapim long taim Lod Komisining i kamap insait long las yia i kam long nau.

Planti ol lain saintis na ol envairomen opisa bilong ol arapela main i mangal stret long ol teknoloji we Ramu NiCo i yusim long envairomen monitoring bilong em long bus, wara, graun na solwara. Ol i askim planti kwesten long save moa, na tu sampela i tok olsem moa aweanes i mas kamap bihain

long ol bikpela yunivesiti na koles long Ramu NiCo i ken go givim toktok long ol teknoloji em i yusim.

Dispela tupela de kibung i pinis gut tru wantaim planti ol gutpela sains na teknoloji wok ol lain i soim na tu ol gutpela tingting bilong wok na long pinis bilong woksop i lukim ol i makim wanpela PNG man olsem SETAC PNG Rijon Presiden. Nem bilong em Riall Gabuogi, husait I wok wantaim Barick Pogera.

Tru tumas, Ramu NiCo i ken soim ol arapela olsem em i no pilai pilai long wok bilong lukautim bus, graun, wara na solwara. Em i tingim bihain taim bilong ol pikinini na tumabuna bilong yumi tu.

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komuniti'

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



Ol fama strongim pasin bilong sevim mani

James G. Kila i raitim

OL LIKLIK manmeri long ol ples na hauslain long PNG mas i save long pasin bilong sevim mani long benk oltaim na yusim long taim bihain sapos i gat hevi o wok i kamap.

Dispela strongpela toktok i bin kamap long wanpela greduesen seremoni bilong 150 fama husat i memba bilong Musunat Kopretiv Sosaiti long Madang.

Ramu NiCo Menesmen (MCC) Komyuniti Afes egrikalsa kodineta, Allan Wahwah i bin mekim dispela toktok bihain long em i tokaut long plen bilong seksen bilong em long bringim Nationwide Maikro-benk long mekim awenes long pasin bilong sevim mani.

Mista Wahwah i tok ol liklik fama long ples na hauslain i no ken yusim olgeta kina o toea ol i kisim taim ol i salim kes-krop o gaden kaikai. Ol i mas tingting long taim bihain bilong ol na pikinini bilong ol na putim sampela mani long benk oltaim benkim na mani i ken gro bikipela.

Moa long 150 fama husat i memba bilong Musunat Kopretiv Sosaiti i bin kisim setifiket long wanpela trening long 'Poltri Prodaksen na Hasbendri Praktis' em Ramu NiCo egrikalsa treni i go pas long ranim.

Brens menesa bilong Nationwide Maikro-benk long Madang, Joshua Laho i tok amamas long wok bung em i lukim i kamap namel long gavman dipatmen na praivet sekta kampani

olsem Dipatmen ov Egrikalsa na Laipstok (DAL), Musunat Kopretiv Sosaiti na Ramu NiCo (MCC).

Mista Laho i tok em i laik lukim kain wok bung namel long ol gavman na kopret kampani na ol fama long ples i mas stap longpela taim na karim gutpela kaikai bilong en.

Mista Laho long dispela taim tu o promotim "My Cash" prodak bilong benk we ol grup na wan wan man o meri i ken kamap olsem ejen bilong benk long rurel eria. Em i tok ol liklik fama o groa long ples i ken opim ol akaun bilong ol wantaim "My Cash" Prodak.

Em i tok tu olsem benk ya em gutpela long sevim ol rural fama na groa bikos em i stap redi long givim sevis

na ol benk sas bilong en em i orait stret long ol grasrut manmeri.

Siaman bilong Musunat Kopretiv Sosaiti, Franky Duadak i tok tenkyu long olgeta developmen patnas olsem Ramu NiCo (MCC) long trening em i givim na raitim kamap projek proposal. Em i askim olsem kain trening i mas kamap bihain bikos ol i gat moa long 1,500 memba husat i nidim kain trening olsem.

Ramu NiCo Inta-Gavman rilesins opisa, Ivan Mullul i tok amamas long Madang distrik edministresen long gutpela sapat em i givim long strongim ol faming komyuniti insait long distrik bilong en long sait long serim infomesen, ol samting bilong planim na tu egrikalsa awenes.

Gavman sapatim pairitrum bisnis

I GAT wok nau long kirapim bek na strongim pairitrum bisnis long kantri bihain long Nesenel Eksekutiv Kausnel (NEC) i givim tok orait long wok i go het.

Pairitrum em i wanpela kemikel ol i save kisim long krisantimum plawa na wokim marasin bilong rausim ol natnat i save kamapim sik malaria na yelo fiva.

Em i save gro gut long hailans rijon.

Long las wik, Praim Minista, Peter O'Neill i tok em i bikipela samting long kirapim bek na strongim dispela bisnis long wanem, em i wanpela eria ol pipel i stap long ol rurel eria long hailans rijon i save kisim mani long en.

Em i tok bikipela samting tu nau long kirapim bek dispela bisnis em long givim ol aset bilong Kagamuga Naturel Prodaks Kampani Limited i go long Enga Pairitrum Kampani. Kagamuga Naturel Prodaks Kampani Limited i no moa wok nau.

Mista O'Neill i tok pairitrum bisnis bai sevim Enga Provins taim Porgera Gol Main i pinis. Pairitrum i wanpela kes krop i save gro gut long Enga Provins.

Mista O'Neill i tok Enga Provinsal Gavman i luksave long gutpela samting ol pipel bilong em i ken kisim long pairitrum bisnis na i wokim bikipela kempen nau long tok save long ol pipel long planim moa pairitrum. Em i tok provinsal gavman i baim pinis wanpela olpela pairitrum faktori long Hagen ol i bin pasim 10-pela krismas i go pinis.

Ol bai yusim dispela faktori long kirapim genwok long pairitrum bisnis na wokim mani bilong provins aninit log ambrela kampani, Enga Pairitrum Kampani.

Laiagam long Enga Provins i save kamapim moa pairitrum, na Wabag na Kandep i kam bihain.

Yangoru-Sausia pipel i mas strong long kamapim kakao

ASKIM i go long ol pipel bilong Yangoru-Sausia Distrik, Is Sepik Provins long wok strong long ol fam na planim moa kakao bai kamapim planti kaikai.

Long wankain taim tu, em i bikipela samting olsem lo, oda na sekyuriti i mas stap long ol wok i ran gut.

Yangoru-Sausia memba na Tred Komes na Indastri Minista, Richard Maru, i wokim dispela toktok taim ol i bin lonsim bikipela kakao planim projek long distrik bilong em las wik.

Em i laik ol pipel bilong em i mas strong long planim moa kakao. Givim taim bilong ol long lukautim gut ol kakao diwai taim projek i kirap na i go het.

Mista Maru i tok lo, oda na sekyuriti em ol bikipela samting na em i tok strong long pipel bilong em long ples Wingei long lukautim gut ol

wok manmeriu bilong Kakao Bot, ol risos na ol asset.

Em i tk Kakao Bot bai helpim ol long wokim ol wankain projek long distrik.

Long wankain taim, Egrikalsa na Laipstok Minista, Tommy Tomscoll i bin tok kakao bisnis long dispela kantri i save kamapim K300 milien olgeta yia na Is Sepik yet i save kamapim K111 milien. Na ol pipel bilong Yangoru-Sausia i save kamapim K21 milien long kakao na salim i go ovasis.

Mista Tomscoll i tok 2,000 ton hevi kakao i save kamapim manimak long K21 milien.

"Tasol Memorendum ov Agrimen (MOA) mipela i sanim tude i mak bilong hatwok bilong ol Yangoru-Sausia pipel long kamap ol rol model o piksa olsem ol top lain bilong kamapim kakao insait long Is Sepik Provins.



Ramu NiCo egrikalsa trening opisa, Aldam Bande (lephan) wantaim Mista Wahwah (raithan) givim trening na serim tingting wantaim rural fama long Sakwanam viles long Astrolabe Be. Foto: James G. Kila

K5 milien kakao projek long Yangoru-Sausia

YANGORU-Sausia Distrik long Is Sepik Provins i lukim kirap bilong wanpela bikipela K5 milien kakao projek.

Las wik, Tred Komes na Indastri Minista, Richard Maru wantaim Minista bilong Egrikalsa na Laipstok, Tommy Tomscoll i bin lonsim projek long ples Miaboru, Yangoru-Sausia Distrik na sainim wanpela Memorendum ov Agrimen (MOA) namel long PNG Kakao Bot, Mista Maru olsem Memba bilong Yangoru-Sausia na siaman bilong Join Distrik Bot na nesenel gavman.

Aninit long dispela MOA, PNG Kakao Bot bai givim teknikal, menesmen na su-

pavaiseri sapat i go long projek. Dispela bai kamap wanpela modol projek long distrik.

Minista Maru i bin tok ol i tromoim bikipela mani pinis long rausim kakao bod pora, em sik i save bagarapim ol kakao sid, tasol i no lukim senis long kakao prodaksen. Olsem na pipel bilong em i lukluk long nupela rot na nau nupela projek bai helpim ol long groim moa kakao.

Mista Maru i tok ol i makim pinis 1,000 hekta graun long Wingei, Wes Yangoru Lokal Level Gavman (LLG) we ol bai planim 990,000 kakao long statim projek.



SAINIM PROJEK AGRIMEN: Komes, Tred na Indastri Minista, Richard Maru i sainim agrimen bilong K5 milien kakao projek long Yangoru Sausia Distrik wantaim Kakao Bot lain na ol bikman bilong distrik. Foto: Pablik Rilesen opis bilong Komes, Tred na Indastri.

Spot i mas go long ol pipel



Spots Raun

wantaim

ANDREW MOLEN

GAT planti kain spot bilong pilai stap tasol planti bilong yumi no save long ol.

Long dispela as na planti taim yumi save go pilai ol gem we yumi save lukim na harim long ol olgeta taim. Sampela taim, yumi no save pilai gut o ol dispela gem tasol yumi save go subim het nating bilong ol narapela tu i wok long pilaim o i kisim bik nem long en na yumi laik bihainim ol.

Sampela taim, sapos yu go pilai wanpela spot na yu no laikim tumas o yu lukim olsem yu no save kisim gutpela luksave hariap na ol narapela i no save laikim gem bilong yu, orait, ating yu lusim na go traim narapela spot.

Tasol long PNG, yumi no save long planti spot olsem wanem ol narapela spot bai yu go long en?

Dispela nau em we asua i stap tu long ol dispela spot ogenaimesen bilong dispela ol spot.

Ol i mas luksave olsem ol manmeri bai no inap painim pilai na go askim long joinim wanpela tim o klap sapos ol i no save gut long stail na pilai bilong dispela gem o sapos ol i no save olsem i gat dispela kain spot olsem i stap long PNG.

Wanpela spot i mekim wok nau long kisim ol manmeri go insait long joinim ol em etletiks (athletics). Dispela em mama spot we i karamapim olgeta bilong ran, kalap, tromoi na tu wokabaut.

Papua New Guinea Athletics Union (PNGAU) i ranim wanpela program we ol manmeri long pablik i ken kam givim nem na wokim sampela tes long wan wan spot long lukim sapos ol bai inap long pilai gut long en o nogat.

Dispela program i stat long Mosbi long Tunde dispela wik na bai go long Lae long Novemba 29 na 30, Hagen long Desemba 2 na 3 na Kokopo long Desemba 5 na 6, dispela yia.

Husat i laik save moa i ken go sekim wanwan spot opis bilong ol long dispela ol ples o ringim dispela ol lain, Peter Chalapan (Mosbi) long 7216 7400, Sandy Katusele (Lae) long 7255 9084, Philip Kamane (Hagen) long 7262 0907 o Subul Babo (Kokopo) long 7106 6060.

Ol i laik painim sampela gutpela pilaia long dispela ol gem na trenim ol long lukim sapos ol bai nap stap insait long PNG tim bilong Pasifik Gems long 2015.

Dispela kain progrem i no olsem ol junia developmen progrem we planti ol spot i gat pinis long en. Long hia, yu bai go tasol long ples bilong pilai, sainim nem na ol bai givim yu sampela tes bilong wan wan spot long lukim yu bai mekim olsem wanem.

Olgeta rekot na mak bilong yu bai go insait long buk bilong ol na bihain long ol i skelim olgeta manmeri pinis bai ol i kisim wan wan long kam bek na joinim ol long trening na pilai tru.

Sampela spot i save kamap long ol kain bikpela gem olsem Komonwelt (Commonwealth) na Olimpik (Olympic) Gems na ol manmeri save tasol sampela i no save kamap long dispela kain ol bikpela tonamen olsem na planti bilong yumi ting ol i no stap. Yu no inap save tu sapos yu bai mekim gut long dispela ol spot o sapos bai yu laikim ol, inap yu go na traim.

PNGAU i kamapim gutpela astingting we ol narapela spot i mas bihainim sapos ol i laikim planti moa pilaia na tu ol sapota i go long ol gem bilong ol, bilong wanem dispela bai pulim tu ol spona long sapatim ol.

Dispela kain program i kisim spot i go long ol pipel na i no wetim ol manmeri long go na



KIRAPIM DAS: Wanpela man i traim kalap i go antap long wesana taim em i traim etletiks long dispela wik Tunde long Mosbi. POTO: Andrew Molen.



ANTAP: Dispela man i abrusim wanpela mak ol i putim long em i kalapim. POTO: Andrew Molen.



SPIT: Ol manmeri mekim kain kain tes bilong wan wan spot insait long etletiks taim ol i kam traim save bilong ol long dispela wik long Mosbi. POTO: Andrew Molen.

KALAP: Kalap tu em i wanpela tes ol manmeri kisim long traim save bilong ol long etletiks long Mande dispela wik long Mosbi. POTO: Andrew Molen.

painim ol spot.

Planti ol spot yumi save pinis em ragbi lig, ragbi union, soka, volibal, basketbal, kriket, sofbal, boksing, kikboksing, netbal na ruls futbal (AFL).

I gat ol arapela spot tu i stap tasol i no gat planti bilong yumi save gut long ol olsem, weiltifting, pawalifting, etletiks, tenis, swimming, aseri (archery) o gem bilong sut long banara na spia, boling, bodibilding, karate, taekwando, va'a (kanu resis) na tu dats (darts) na snuka.

Planti moa arapela i stap tu tasol ol i no kam yet long PNG.

Nau yet, ol spot bilong yumi save strong long wan wan ples we ol i kamap pas long en o we planti manmeri long hap i save laik pilaim.

Kain olsem, ol lain long Morobe, Sepik na Milen Be i save laikim soka, ol lain long Sentrol i gutpela long volibal, basketbal na ragbi na ol lain long Niugini Ailan i save pulapim ragbi lig na union, sofbal na ruls futbal (AFL).

Tasol dispela i no min olsem ol lain long wan wan ples tasol i ken pilaim ol dispela spot we i save kamap strong long ples bilong ol.

Yu tu i ken traim wanpela nupela spot tasol em bai gutpela sapos planti arapela i bihainim

yu bai gutpela resis na salens i ken kamap namel long yupela.

Nau i gat planti samting i kamap we i save pasim ol manmeri long mekim olsem na ol bai no gat taim long go painim ol spots olsem ol i save mekim bipo.

Long dispela as, ol spot i noken tingting tasol long ol junia developmen progrem na arapela bikpela pilai olsem ol nesanel sempionsip na PNG Gems long painim ol pilaia bilong ol.

Taim bilong ol manmeri go painim spot em i pinis. Nau em i taim bilong ol spot long i go painim ol manmeri.

Soka i strong long Usino

Mathew Yakai i raitim

tasol.

Taim ol manmeri bilong Usino i kilim skin long wok gaden long olgeta de bilong wik, ol i save yusim ol wiken long rileks na pilai soka.

Usino bik ples i gat lokal soka kompetisen we i gat 7-pela tim bilong ol meri na 8-pela tim bilong ol man, na gren fainel bai kamap long neks wik.

Usino Spot Asosieisen i save ogenaisim dispela kom-

petisen na ol i no save kisim wanpela mani long ol lokal level gavman na ol bisnis insait long distrik i no soim intres long lokal soka kompetisen. Tasol dispela i no stopim ol long mekim ol gutpela wok bilong spot insait long komyuniti bilong ol.

Namel long ol meri tim long dispela kompetisen, ol meri bilong Weiga, i wok long pilai gut tru. Las wiken taim ol i winim ol meri bilong Somko

klap 2-0 na bihain ol i dro wantaim ol meri bilong Strit Nids long wanpela strongpela gem stret.

Long divisen bilong ol man, tim Weiga i topim lata na i gat strongpela tingting olsem bai ol i winim dispela kompetisen.

Ol man husat i go pas long dispela kompetisen i tok olsem ol i laikim memba bilong ol i helpim ol, na tu, ol i laikim sampela helpim long Marengo Mine na Ramu Nico.

SOKA em i wanpela spot we i gat bikpela luksave long planti hap insait long wol na Papua Niugini tu.

Long Usino bik ples long Usino Bundi Distrik long Madang provins, soka i wok long kamap strong na ol bikpela marit manmeri tu i wok long pilai na i no ol yangpela



Meri tim bilong ol Weiga husat i wok long pilai gut tru long Usino lokal soka kompetisen.

PNG go pilai netball long Singapo

Isaac Liri i raitim

NESENEL netbal tim bilong Papua Niugini, PNG Pepes bai go pilai long wanpela wol tonamen ol i kolim long Siks Nesen Kap na ol i bai lusim kantri tude.

Pacific MMI em i namba wan sponsa bilong ol.

Dispela tonamen bai i kamap long Singapore long Desemba 1 i go i nap 7.

Kepten bilong Pepes Winnie Mavara i tok i amamas long

kamap kepten bilong dispela skwat long wanem em i lukim olsem em i wanpela strongpela tim we i gat sampela ovasis pilaia, ol yangpela pilaia wantaim planti save, na tu ol ekspiriens pilaia.

Mavara tok bikpela tingting bilong ol, em long impruv long renking bilong ol long wol.

Nau yet ol Pepes i sindaun olsem long namba 17 long wol, na sapos ol i no pilai gut long dispela Siks Nesen Kap, ol i bai pundaun kam autsait long top 20.

Kosa bilong PNG Pepes, na tu bipo pilaia na kapten bilong Pepes Monalisa Leka tok ol Pepes i bin pilai gut tru na kamap namba tu bihain long Fiji long Pasifik Netbal Siries long Samoa long Jun long dispela yia.

Leka i tokim ol manmeri na midia long kaikai bilong fan-raising las wik long Visen Siti olsem ol Pepes bai traim save na strong bilong ol taim ol i go pilai long Singapo long wanem ol i laik kisim gutpela risalt.

Dispela Siks Nesen Kap bai

lukim ol kantri olsem Singapo, USA, Uganda, Sri Lanka, Ireland na PNG i resis.

Pepes skwad bilong go long Singapore em *Rayleen Andrew, Jephath Tulapi, Maleta Roberts na Tiata Baldwin bai pilai olsem ol suta. Nerrie Adula, Winnie Mavara (Kapten), Marinama Maha na Kimberly Rawali bai pilai long senta. Ol difenda bai Lua Rikis, Kilala Owen, Susan Wellington na Courtney Abel, na ol risev bai Albertine Ehari, Margret Eka na Richarda Kassman.*

Chung i wok strong yet long strongim PNG soka

OL soka pilaia bilong Papua Niugini long bihain taim bai i gat sans long pilai soka long Indonesia wantaim ol soka klap long hap.

Dispela tok tok i bin kam bihain long Presiden bilong Osenia Futbol Konfederesen, David Chung i sainim wanpela agrimen wantaim bos bilong Indonesia Futbol Asosieisen, Arifun Djohar long las wik tunde taim Mista Chung i bin go long Indonesia.

Mista Djohar i tok em i amamas long dispela agrimen long wanem bai strongim pren namel long tupela kantri long ol yut developmen program, ol eksens program bilong ol opisal, ol gem namel long tupela kantri na ol narapela samting tu.

Mista Djohar i apim nem bilong Mista Chung na i tok Mista Chung i mekim bikpela wok tru long putim presa long dispela agrimen long gutpela

bilong PNG soka long nau na long bihain taim tu.

Mista Chung i tok em i no bisi long win yet, em i laikim soka long PNG long develop gut pastaim na bihain PNG i ken tingting long win.

"Ol trening senta bilong soka long Lae, Kimbe na long Bogenvil bai lukim planti gutpela samting i kamap long en. Na tu planti ol gutpela pilaia i kam aut pinis long ol dispela trening senta." Chung i tok.



PNG painim ol etlit

LONG histori bilong ol spot insait long Papua Niugini, etletiks em i wanpela bilong ol spot we i apim nem bilong kantri long bipo na long nau tu.

Insait long dispela spot bilong etletiks, i gat planti ol ivent na ol dispela ivent stap aninit long tupela grup ol i kolim fil ivent na trek ivent.

Long trek ivent i gat ol sprint bilong midel distens, long distens, hedol na ol riley resis. Long fil ivent i gat long jump, hai jump, tripol jump, pol volt, hama throw, diskas, javelin na sot put.

PNG i save mekim gut stret long ol trek ivent bilong etletiks long intenesenel level, na tu ol spot manmeri bilong PNG long trek ivent i save kisim trening na pilai ovasis. Dispela em i mekim Papua Niugini olsem wanpela kantri husat i gutpela long ol trek ivent bilong etletiks.

PNG Etletiks Yunion i kisim bikpela taim lukluk na stretim ol trek ivent na ol i lustingting long ol fil ivent.

Nau taim 2015 Pasifik Gems i kam klostu nau, Etletiks Yunion bilong Papua Niugini i wok long painim ol manmeri husat i gat intres long pilai ol fil ivent.

Dispela em i no gutpela long wanem bikpela taim i kam na i go pinis na sampela bilong ol dispela manmeri husat i soim intres long pilai ol fil ivent bai i no i nap redi gut na bai i no i nap pilai gut long 2015 Pasifik Gems.

Humbi laik PNGRFL sapotim lokal lig

Isaac Liri i raitim

sait long kantri.

PNGRFL Papua Niugini Futbol Ragbi Lig i mas lukluk long fandim ol lokal ragbi lig kompetisen insait long kantri.

Rex Humbi, Siaman bilong Hela Ligs na tu Presiden bilong Tari Ragbi Lig i tok olsem i no gat gutpela mani sapot kam long ol PNGRFL, olsem na PNG i no gat ol gutpela pilaia.

Mista Humbi i tok PNGRFL i wok long westim planti mani tru long ol PNG pilaia husat i save pilai ovasis, na ol i no tingting long stretim na developim lokal ragbi lig in-

Wanpela eksampel Mista Humbi givim, em dispela 2013 Wol Kap Ragbi Lig, we ol pilaia bilong Kumul i pilai nogut tru.

Mista Humbi yet i laik PNGRFL i putim planti mani i kam long ol lokal ragbi lig kompetisen long ol ruel eria, na dispela bai i ken helpim ol pilaia long ol ruel eria long develop na kamap ol gutpela pilaia.

Long dispela taim yet, Mista Humbi i save ogenaisim lokal ragbi lig long Hela provins. Em i tok em i no lukim wanpela gutpela mani i kam long PNGRFL.

Ol Jiwaka lig i kisim sapot bilong gavana

Ragbi lig em i wanpela bikpela spot insait long Jiwaka provins. Em i olsem wanpela samting we i save bringim amamas insait long ol komyuniti.

Gavana bilong Jiwaka Dokta William Tongamp i gat strongpela tingting long developim na sapotim ol wok bilong spot insait long provins.

Dokta Tongamp i bin givim K50,000 i go long foapela lig kompetisen insait long provins. Ol dispela lig em Baning, Minj, Banz na Fatima.

Taim Mista Tongamp i givim sek mani go long ol presiden bilong ol dispela foapela lig long Banz, em i tok olsem aninit long lidasip bilong em, sapot bilong

spot i no inap stop. Em i laik ol komiti bilong ol dispela lig long givim ol ripot bilong ol olgeta taim ol i yusim mani.

"Sapos wanpela bilong ol dispela lig i no givim ol ripot bilong ol, bai ol i no inap kisim sapot ken." Dokta Tongamp i tok.

Konstraksen kampani bilong Australia ol i kolim long CSG Intenesenel bai i kam insait long provins long sanapim na stretim ol spot fasiliti.

Dokta Tongamp bai i givim mani bilong wokim na lukautim ol spot fasiliti long wanem Waghi Tumble bai i pilai long 2014 Digicel Kap, na tu ol spot manmeri bilong Jiwaka long ol arapela spot bai nidim ol gutpela spot fasiliti long yusim.



David Chung i tok tok long nius komprens.



Boksen:

Taim boksen i stap, Shane Mosley em bai stap namba wan boksa long taim bilong em, tasol Anthony Mundine i no klia gut long sindaun bilong em. Tupela i toktok long save na stail bilong ol, tupela bai kamapim gutpela so long Sydney. Mosley i pait tripela taim tasol insait long 37mun, na Mundine em tupela taim long 24 mun. Mosley em i namba faiv wol-sempion long tripela weit klas.



Kriket:

Strongpela batman Mitchell Johnson i tokim ol Ingran long lus tingting long sampela ol toktok i kamap long gem, bikos olpela birua bilong ol i guria liklik long dispela namba wan Ashes tes. Tasol em i wok gutpela long mipela. Mi save ol i guria liklik long dispela gem, Tes hiro Johnson i tok long Perth long Trinde. Ol i les tru long em. Mi harim olsem kosa bilong ol i kamaut na laik tok klia gut long ol. Tasol dispela i no inap senisim mipela".




Ragbi:

Canterbury-Bankstown rikrut Tyrone Phillips i kamap namba foa ragbi lig pilaia long stap aninit long was bilong ol polis long Ingran. Ol i sasim Philip long wanpela strit pait long Beverly Hills long dispela mun. Bulldogs i rilisim wanpela stetmen long sas bilong Philip. NRL Intagriti Yunit i wok long skelim dispela asua i kamap na bai tokaut long ansa long bihain taim.

Painim Bal Resis

A B C D E F G



Putim X insait long bokis yu ting bal i stap long en..

Eksampel: C5, long namel. Teksim i kam na traime laki bilong yu.

Baim Wantok Niuspepa olgeta wik na traime sans bilong yu!!

Wanpela wina tasol long olgeta wik!

Resis namba 4

Norman Ambuk i wina bilong Painim Bal Resis Namba 3. C/o - Ok Tedi, Tabubil, P.O. Box 225, WP

Lukim ansa long raithan sait bilong dispela pes!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....




Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Painim Bal Resis

A B C D E F G



ANSA bilong resis Namba 3

B3

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....



Teksim Ansa bilong yu i kam long 7235 6149 na lusim nem na adres bilong yu tu...Sans yah!


Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!



Oi spot eksen poto long wiken...

Oi Poto Nicky Bernard.

Pilaia bilong Air Niugini holim bal long sait bilong em taim olgeta pilaia bilong Fairdeal i raunim em long Praivet Kampani Netbal long Pot Mosbi.



RAN AUT:
Bears pilaia i traिम long kisim bes tasol spit bilong em i no inap taim PNG Pawa bes man i autim em long mein gem bilong Sofbal bilong ol man long Mosbi.



POPAIA: Pilaia bilong Maclaren i laik kikim bal tasol em i aburus taim ol i kisim Yamaros long semi fainal pilai bilong ol long Bisini. Maclaren i winim dispela pilai na bai bungim Momase long Gren Fainal bilong Pot Mosbi Supa Lig.



Sentral 9s kik ov wantaim planti tim. Olsem long dispela poto ol i soim strong long go insait long fainal.



TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

Ipatas Kap i strong yet

Isaac Liri i raitim

IPATAS Kap em i wanpela ragbi lig kompetisen i save kamap long op sisen, na tu, em i wanpela kompetisen we i kisim planti luksave pinis long PN-GRFL na i wok long kamap strong yet.

Ipatas Kap bai amamasim 15 krismas bilong en long mun Desemba na Coca cola yet i amamas long sapatim dispela kompetisen gen.

Sif Eksekyutiv Opisa (CEO) bilong Ipatas Kap, Timothy Lepa i tok, bipo long kompetisen i stat, bai i gat bikpela selebresen long Lae long 20 Desemba.

Mista Lepa i bin stap long Simbu, Maun Hagen na

Enga long wiken i go pinis long bung wantaim ol opisal bilong Ipatas Kap long stretim olgeta wok bipo long kompetisen i stat.

Long kwalifai long wan wan rijon bilong PNG bipo long ol tim i pilai long nesnel level bilong Ipatas Kap, olgeta provins bilong Hailans rijon bai i gat foapela tim, Niugini Ailans rijon bai putim 8-pela tim na Momase wantaim Sauten bai i putim wankain namba olsem laspela Ipatas Kap i go pinis.

Mista Lepa i tok tu olsem ol reperi bilong Ipatas Kap bai i kisim sampela gutpela trening tu long namba tu de bilong mun Janueri, long mekim ol i kisim moa save long ol rul bilong gem.



Enga Mioks em wanpela strongpela tim insait long Digicel Kap. Planti long ol pilaia bilong ol i save kam long Ipatas Kap. Ipatas Kap i ron long 15-pela yia olgeta.

PNG painim ol etlit

- Pes 25



PMV

DIESEL OIL



BOROKO MOTORS

PORT MORESBY	☎	325 5255
LAE	☎	472 1144
MT HAGEN	☎	542 1933
TABUBIL	☎	649 9048
KIMBE	☎	983 5035
MADANG	☎	422 2659
KOKOPO	☎	982 8193
GOROKA	☎	532 3552

Email: info@borokomotors.com.pg
Website: www.boroko-motors.com

PMV OIL BILONG YUMI